

霜紅龕集

余生長東南習知東南文獻如梨洲黃氏亭林顧氏最
所服膺尤嗜閱其年譜舟車南北攜以展誦爲樂不惟
論治論學闡益神智卽語出游接友一二瑣事亦風格
不落凡猥繫人寤思比持節晉陽竊歎太原傳青主先
生碩學燦節與黃顧屹然鼎峙近日譚復堂氏謂南人
著述往往疏於西北余謬蒞此邦求其文獻久之得張
靜生氏所輯傅先生年譜讀之事實寥寥未能與黃顧
兩譜同其縝密也詢其原槧僅存六板心爲不憚再考
之山西通志經籍志上傳記類著錄同治時汾陽曹徵
上樹穀撰傅徵君年譜一卷諮問其舊未見傳本簿書

餘暇涉獵羣籍見有關傅先生事實者隨筆甄錄久遂成帙按年分寫釐爲一譜學識疏闊固未敢上比黃顧兩譜以較張氏原輯稍覺詳審竊維名人年譜之作本春秋編年之別派衍史記表年之小宗細大不捐言行並識尙論君子庶得其梗概而有所取法焉昔先生僑寓山陽爲余生長之鄉會爲邑人滌冤載在志乘垂輝至今茲余承乏太原亦適爲先生誕育之區硜硜撰此奪以鞅掌而不竟所學頗爲先生玷也世儻以爲傅氏學譜觀則未始無淺淺之助蓋亦攷西北文獻之一種或尙不虛余此行也助余商榷訂者則爲江陰繆炎

之京卿

荃孫

山陽段笏林廣文師

朝端

江夏羅微之太

守

襄上虞羅叔言參事

振玉

並書之以識他山之助宣

統三年孟夏山陽丁寶銓

傅青主先生年譜

山陽丁寶銓輯

明萬曆三十五年丁未六月十九日先生生 一歲

先生生年前人皆謂爲萬曆三十四年丙午張廷鑑撰先生年譜畧亦然儲方慶我詩集敘作於康熙己未言青主今年七十有四逆數之爲丙午生吳榮光歷代名人年譜亦作萬曆丙午生張穆顧亭林先生年譜言先生長顧七歲亦謂生於萬曆三十四年今以先生本集考之實生於丁未非丙午也案先生六月十五日至今十九日卽事成吟二十一首之十六云三十六未老一兄不肯長又甲申守歲詩三十八歲儘可死先生兄庚卒於壬午由壬午逆數三十六年又由甲申逆數三十八年均正是丁未又壽楊爾禎老友長歌上章攝提十月初旬十是爲老友楊方生行年五十之生日又云是以少爾尙六年精神筋力不得與爾爭良楮據此詩爾禎五十當庚寅乃生於辛丑先生少於楊六歲亦正是丁未又覽巖逕詩示

眉及兩孫一百韻昨年吾七十五時汝今年考眉生於戊辰先生時年二十二眉五十時先生七十一則又先生生於丁未之一證先生將化詩劉霽附注云傅氏宗圖落雀翁下皆紀生辰忌辰先生生日六月十九日案先生六月十五日至十九日即事成吟二十一首之三自注去歲今夜先兄攜具西郭為十九日是山生日也與宗圖正合

先生系傅氏初名鼎臣後改名山

郭鉉傳先生傳

字青竹後

改青主

先生青羊庵詩劉霽附注先生有一字仁仲為願青山作主人句故字青主

一字仁仲

戴廷栻石道人別傳

或別署曰公之宅

全祖望陽曲傅先生事畧

一作公他

稽曾筠傳徵君傳及戴廷栻傳壽毛行狀

亦曰石道人曰嗇廬

全祖望撰事畧

曰

隨厲曰六持

仙儒外紀卷七

曰丹崖翁

本集翠娃從石生序

丹崖子

汾

傳子曰濁堂老人

題趙鳳白山水巨幅

曰青羊庵主

書

山海經後案青羊庵

詩注在岷嶠山中蓋亦不夜庵老人先生墨迹又戴先生太原僑居之一也廷杖我詩集敘

先生不夜庵詩青羊庵改額不夜小曰傳僑山傳

僑山劉紹攽傳僑黃山黃田先僑黃老人書補郭林

僑黃之人敘靈感曰朱衣道人傳先曰酒道人寄弟

酒肉道人帽花厨或徑稱居士傳道士傳道人傳子

並傳以喜苦酒故稱老葉禪先生以受道法於龍池

還陽真人注見下故一名真山劉紹攽撰徵君傳

後劉囊附記道家龍門派以道德通玄靜真常守太

清四十字為號還陽名靜中萬歷中從游常守已有

人真字虛一座徵君或署僑黃真山不為大常住又

至始屬之故稱真山曰龍池道人曰龍池聞道下士曰觀化

翁曰大笑下士

仙儒外紀卷七

先世大同人六世祖天錫以

春秋明經爲臨泉王府教授始徙居太原忻州

陽曲縣志

徵君事實

山西通志明宗藩表臨泉王名美塔晉定王濟煥之第六子正統二年封薨諡莊懿

陽曲

志臨泉王府在晉府西

曾祖朝宣甯化王府儀賓承務郎以正

德十五年移居陽曲

徵君事實

通志明宗藩表甯化王名濟煥晉恭王櫟第五子

永樂八年封薨諡簡振王案陽曲志卷十六志餘甯化王以宣德八年封府在晉府西與通志言永樂

年封不合以年代考之則通志誤也又案先生之曾祖事實不可考惟先生書承務君墓誌後云向藏承

務君詒參藩官雖陳一家書字法森逸多奇氣中有爾做官只要體帖公生明廉生威六字書末又大書

一行曰切忌乘怒責人云云承務君事實可知者僅此鄒元標侍御傳公需傳公爲諸生時父西岡公

忽中寒病云云是承務君字西岡先生子眉我詩集鈔梁書新事偶題云教授公以前尚矣由教授而來

太學生西岡君自吾參藩公以至吾先祖離垢先生
今夫子復訓小子亦七世矣所謂太學生西岡君以
鄒傳考之蓋卽承務君雜記先曾祖既贅於王府
稍長遂廢讀書郎青君亦無可奈何聽之而已郎青
君疑是先側室殷太宜人生三子雜記先曾祖之結
生高祖既贅於府牽制不得自由復聽娶妾因得娶殷太宜
人而生先大夫兄弟三人案先生書承務君墓誌
後先四祖時隨祖任中又曰四小子在彼不讀書便
送來我一頓打死據是則先生曾祖生四子與雜記
生三子之言不合或併女數之而次居第四耶曰霖曰震曰霈霖字應期嘉
靖壬戌進士官至遼海兵備道戰功載實錄戴廷枋
行是爲先生祖忻州志藝文李維禎傳參藩傳傳公
狀名霖字應期忻州人也父承翁主徙
居陽曲十三爲諸生二十舉於鄉又七年舉於南宮
歸而益漁獵六藝百家又三年奉廷對名在二甲當
爲郎以宗正條格除知壽州壽州土贍腴而濱淮河
與淮爭道溢皋陸歲累旱蝗食稼民羸幾卒至則集

諸名宿三老高年問所宜釐改制量皆曰病在支官
 於是罷壽春驛正陽鎮巡檢所省共張樞會金數千
 遊徼迺卒不得爲姦利賓旅安於次商賈歌於途焉
 右旅丁口多所影賴單產孱民轉徙四方田部鄉吏
 數負其課括糠及米矣爲綜覈質問許自占數民憚
 公嚴明悉吐實哀多益寡相地哀政而徭賦平吳會
 中島寇軍興不給征旁郡金粟助之後以爲常有司
 苦不支未敢班班顯言公力請盡豁之已議里甲均
 馬田繕城郭脩隄梁通溝洫廣儲蓄飭廟學創序室
 勤考校獎節義禁殘暴貫日而治詳一日而曲列之
 善政善教燦然備舉小大之獄必以情瞻傷察創時
 有所寬以明恩貸鄰國棄其親家來奔者比肩並起
 臺使行縣慮囚必公與俱壽春之人親之歡若父母
 好之芳若芝蘭貌公像而尸祝之三年舉最當遷京
 朝復以宗正條稍遷大名郡丞練制度順簡書吏畏
 僚慕再遷河南僉事兵備雖陳雖陳介兩京齊右其
 俗椎剽掘冢豪傑大猾爲通逃藪欲因際會觖望非
 冀武弁忸宴安牢廩逋懸馬如羊矛如錐鏃盾如榆
 葉直兒戲耳爲實倉廩便備用募材伎之士布之四
 郊而簡其尤數百人爲義從置麾下羅姓者頗以

軍法部署其黨與將蟻動首禍自當無能爲以情相
歸公義而釋之使復其所盜賊羣輩應時崩解而新
鄭里居以先帝舊學遙執國柄又公進士時知貢舉
比於門生顧獨無問遺恚曰豈固我哉旣再相攝銓
事喉言者抉瑕摘釁掩其弘美坐計典鑄一階公拂
衣行吾安能姬偶名勢以己之樵樵受人之械械乎
上卽位有詔曰好女之色惡者之孽也公正之士衆
人之瘞也日者執政以愛憎爲黜陟不厭士心所司
其廉察以名聞櫛栻官便之公是以有華州除念二
人老不欲行父刺促之不休已受事而父病請急還
視藥餌三月卧不帖席食不溢味短後衣爲盡穿父
卒哭不偯禮無容言無文衣衾棺槨冢樹大象其生
以送其死卜筮齋戒几筵饋薦告祝如或饗之物取
而皆祭之如或嘗之已事而哭如或去之服除不與
外事交仲若叔強之伯氏將無以不遑將母耶吾二
人者何爲是謂我子不子弟不弟也公乃謁選人除
平度州凡七月慮無遺計舉無過事爲之城城移時
而畢民忘其勞尋遷湖廣僉事部荆西中貴人啣命
營顯陵以爲奇貨盜帑貲強半公持之費省而事集
漢水廢淤地肥美皆民田也中貴人將履畝籍之官

公駁議數四而止郢人於今頌之遷秦參藩部隴右
旋遭母喪徒跣而奔所過躡蹠號天聲行道之人垂
涕歸居廬裏大事一如喪父服除除故官山東兵備
遼海遼海敵比境敵小創而憤禍拏未解公以嚴威
制號定令以必信慶賞刑罰以周固處舍收藏以安
重疾速舉徙進退以參伍潛深窺敵觀變將吏寬假
審策無令拘閼汰其墨黷黜其尤濫餘刀布富困茆
壁壘旌旗改色得敢死士五百人敵降者收之賜予
有加等願爲公盡力刺侯敵動息曲折我先爲備以
故三出塞斬首虜百許匈奴震疊避地二百里而遠
兩歲無亡矢遺鏃之費夜戶不閉中丞御史上其功
大司馬壯之將授中丞節而先是公承攝他道事與
除利弊同官以爲振暴其短共構之計典鑄二階中
丞御史爭之強詔以故官聽用再起甯前治一如遼
而加茲禪將某縮臆而又挑虜讐聲其罪斥之柄臣
爲解弗得備禦某以五百金餽下吏竟案督將中丞
御史及大閱夕卽疏薦於朝而憾者懼公一旦乘權
引繩排根不已公遂落職矣叔氏以御史予告從田
間上書言臣伯兄厯事三朝童牙華顛操行不易不
治觀者之耳目不賄貴者之權勢不利傳辟者之辭

內以忠誠自固外以法度自守奔走疏附靡事不爲
何等不可卽兩次度遼鄉方略積畜脩闢而能顛倒
其敵戰如守行如戰虢闢足以箠笞之聲名足以暴
炙之功績較然天下聚目而視攢耳而聽謂準之前
事當有景風之祚而二三伎害好陷人罪膏脣拭舌
逆曳點灼直欲入三泉之下鎮以大石臣伯兄釋重
負偃仰從容以送餘齒歌詠聖朝甯有纖介於懷第
變化非是故相反易使辨治之朝抱功脩職之吏失
意解體臣雖屏居田閒激濁揚清故其典司語曰善
人在患饑不及餐矧於同氣可引嫌自避惟陛下裁
察書奏當事者恐藉後來口實公罷不敘而仲亦薄
罰天下兩高之以仲不愛其官慷慨發憤爲伯氏辨
數公必有內美脩能切至當人心者而後仲感慨若
是公已謝闔門養威重非公事不謁有司歲時肅衣
冠顙天祝聖國有大征伐典禮憂喜見乎色或形之
談詠月朔不宿於內厭旦率諸子祀家廟而焚香默
以其所爲告天先世忌辰四時之祭夙夜有恪而詔
子孫祖父起家之不易也泣下沾襟兩弟沒撫其孤
食而教之今登賢能書若明經茂才接武矣御諸子
婦嗃嗃儼若朝典三黨之戚困庀具爲區處有義田

以濟饑忻宗人二百里休戚不時聞置田四頃供展墓若婚冠喪祭之費主以宗老而爲賢良守業偷情三等差次給之歲大饑發粟餉糜活者數萬人疫而死者歛瘞之數千人郡地形右瘠不勝右縉紳學士建永明寺宣文塔於東山以輔所不足推公首事忻學圯敝更新所捐助皆數百金家政米鹽繁碎精力能施行之而衣無兼采食時不力珍居恒言勤生之本也儉有之共也自天子以逮庶人廢一不可爲園城東隅命之曰從好日嘯歌其中身長大佼好美鬚髯望之知爲福德人喜誦養生家言得其指年踰七十矣髮鬢面光澤五官神明不震嘉靖辛酉舉人官衰却杖捷步蓋寢疾七日而沒

耀州知州陽曲志需字應霑萬厯丁丑進士官至御選舉表

史鄒元標侍御傳公諱需字應霑號兆野舉丁丑進士拜咸陽令尋丁母憂補華亭令兩地皆南北劇邑公一切以廉靜鎮之咸陽拯饑興梁士民歌誦而在華亭革櫃頭苦諸巨室賴以生全保護穆如清風所稱神明宰近之矣以治行高等入爲御史一巡倉漕再巡蜀批却導竅恢恢游刃其所條次國家

便宜狀皆其巨者西蜀有巨帥以重金嘗公公以柱
後惠文利之債帥望風解印綬去其溺職者卽尙虛
名不少貸竣事還朝聞仲兄病遂請歸仲兄瘳而伯
兄藩參公中計事公義迫于中疏曰臣兄治兵塞上
且久勞勩最著沈塞迂滯臣方痛心疾首不能獨嫌
薦揚爲國大用今中以考功令臣兄何罪獨臣令華
亭與柄臣郊其罪耳罷兄不如罷臣便旨下部議而
有引例難公者遂鐫公職一級公議雖不行士論蹙
之公雖落職家居然偕伯仲墳簞迭奏怡愉觴詠里
閭傳以爲吉祥盛事海內有習公者旦夕引領公出
而胎育元氣增光廟社而公遽謝世悲哉聞公爲諸
生時父西岡公忽中寒病不能言公夜哭而搏額醫
門投千金西岡公立起聞母夫人訃憂病中時時寐
語而見大夫飲食之公孝友締結自其天性夫世固
未有不孝親而能敬長者亦未有敬長而不根孝親
者詩曰我儀圖之仲山甫舉之公之謂矣又通志
鄉賢錄十六傳霈傳忻州人參政霖弟初授咸陽知
縣庫吏進羨金叱還之恐其中飽因取抵下戶丁徭
補華亭除縣櫃之役入爲監察御史巡漕河時內
供增二十萬金猶不足將取諸房窖抗疏論之得中

止按四川發大帥李太祥奸賊李橐千金求免卒論
罷有職憲副者怠於官亦剝劾以去人病其執因告
歸閉門纂晉文獻通志先是江陵當國鄉總憲元標
以爭奪情請都勻需數往視爲措道里費案先生
言高祖雖入贅藩邸而先生高祖仍居忻州先生雜記
城抱先大夫歸忻州故通志霖需二傳仍稱忻州人
白奎山人集有訪傳青主於松莊詩原注亦尙稱先
生爲忻縣生口口字星履其名無考先生家訓先伯
州人又案先生祖母次之謨次謨以先生雜記先叔諱穆
何氏亦不可考王之女振玉案以先生父之謨例之似當作之謨
疑刊本誤奪之字又案陽曲志選舉表萬厯癸卯
舉人傳之詔山仲父天啟辛酉舉人傳之謙山仲父
萬厯歲貢之誨山仲父似先生叔父凡四人但先生
集中無徵茲姑據見集中者列之而附注於此通志
明宗藩表晉穆王名敏醕惠王子萬厯十年襲封
之謨字檀孟孫奇逢貞髦君陳氏墓誌萬厯歲貢曲陽

志選舉表博學能文好善樂施行狀傳壽髦自號離垢居士

眉詩有作詩注陽曲志徵即先生父也配陳氏稱貞

君傳父之謨稱離垢先生

髦君也姓陳氏父諱勵忻州諸生母周二十二歲屬

柏舟操十七歲歸於檀孟先生為傳氏婦舅參議公

御家頗嚴諸婦中陳獨以勤慎著生子三長庚諸生

先卒次即山甲申後以道人稱三止舊太學生當甲

申之變山棄家而旅隨所寓奉母往母絕不以舊業

介意沙蓬苦荳怡然安之迄歲之甲午山以飛語下

獄禍且不測從山遊者僉議申救貞髦君要眾語之

云道人兒自然當有今日事即死亦分不必救也但

吾兒止有一子眉若果相念眉得不死以存傳氏之

祀足矣逾年飛語白山出獄見母母不甚悲亦生三

子長庚字子由諸生忠厚謹謹戴廷拭傳壽元小傳

在傳氏兄弟輩無次即先生三止字行可太學生事止

踏施恣肆之習

迹無可考惟先生因人私記云孫振在山西欲甘心
於山不得又一疏特參山之弟止以威之又云問至
舍弟止止不到先生日傳山即其胞兄可問之是止
因先生救袁公被參牽入袁公案內又長歌壽楊爾
禎老友頃來吾弟依爾頻爾拂塵飮之食之不厭
勤此其事迹略可知者陽曲志及戴夢熊撰徵君
傳先人遺產為其弟蕩費殆盡無怨色及弟歿遺孤
尚幼山撫之不啻己出振玉案先生但有弟止則蕩
盡資產者即止矣志所言初不知信否然觀先生致
戴楓仲書云凡舍弟指責於弟者皆不敢逆意規之
此豈愛弟之道實避眼下怨忿耳故有無窮忠告皆
箴口不敢少撓老兄無黃白仙術不知當如何為忠
謀也云云則志之貞髦君孕十二月夢老比邱而生
所言固不虛耳

生復不啼一瞽僧至門曰既來何必不啼乃啼王士

北偶談

戴廷拭石道人別傳先是道人從叔某託

朝海比邱造旃檀香佛佛至所費過贏中悔貞髦君
出所積簪珥資百金請事佛即夢佛指一臞老修為
比邱日以是子汝及生道人時見所指比邱來俄而

龍起所居屋極雷雨大作道人生雨止生復不啼離垢先生出卜遇警比耶告之故警比耶言但向彼道既來何必不啼如所言果啼云云所記較瀨洋爲詳漁洋之說或即得之楓仲也

三十六年戊申 二歲

三十七年己酉 三歲

有宿慧能自誦心經

石道人別傳三歲時離垢先生偶誦心經句問道人道人不覺

應聲誦其下句

是歲大歉人相食先生祖霖及叔祖震施

粥以賑並餽貧士米銀

陽曲縣志志餘萬厯己酉大荒人相食傳公霖施粥百日

費米四百斛所居前後左右貧士賑米銀二十錢傳公震施粥費米百斛

三十八年庚戌 四歲

三十九年辛亥 五歲

四十年壬子 六歲

啖黃精不樂穀食強之乃復飯

傳先生事略又石道人別傳六歲見離垢

先生買黃精云服之不死輒出入取噉不肯復穀食強之乃復穀食

四十一年癸丑 七歲

就小學凡所授書傾注如宿通者

石道人別傳先生調餓詩七歲悲

生死於今五十六又講游夏問孝二章云山私痛山童時數得怪異之證驚憂吾親不可勝道似先生七歲時有疾幾殆

四十二年甲寅 八歲

四十三年乙卯 九歲

學書臨鍾元常

雜著吾入九歲即臨元常不似

四十四年丙辰 十歲

四十五年丁巳 十一歲

四十六年戊午 十二歲

夏四月甲辰

大清兵克撫順城七月丙午克清河堡

明史神宗紀

四十七年己未 十三歲

二月乙丑經略楊鎬誓師於遼陽總兵官李如柏杜松劉綎馬林分道出塞三月甲申杜松遇

大清兵於吉林崖戰死乙酉馬林兵敗於飛芬山兵備僉事潘宗顏戰死庚寅劉綎深入阿布達里岡戰死六

月丁卯

大清兵克開原馬林敗沒

明史神宗紀

泰昌元年庚申 十四歲

秋七月神宗崩光宗卽位甫一月崩熹宗卽位後廷臣

議改萬厯四十八年八月後爲泰昌元年

明史光宗紀

天啟元年辛酉 十五歲

三月乙卯

大清兵取瀋陽王戌取遼陽

明史熹宗紀

先生應童子試提學文公翔鳳拔補博士弟子員

石道

人別傳

山西通志名宦錄四文翔鳳字天瑞陝西三水人萬厯庚戌進士天啟閒以副使提學山西力

振晉人蔘靡之習以効魏璫回籍卒翔鳳以辭賦爲
專門絕學覃思府毫必欲追配古人詩離奇稟兀可
與劉父馬異鬪險今三晉士振奇者猶多祖其習云
荃孫案先生詩文尙奇奧殆得心傳於文也振王
案徵君事實及戴夢熊傳徵君傳稽曾筠傳先生傳
太原府志本傳並作年十四補博士弟子員考文公
莊晉任在天啟間若先生十四補博士弟子員則
在萬厯末文公尙未蒞晉似楓仲所記爲得實是
時塾課甚嚴不出門庭蓮甍從登岱謁聖林歸信
手寫此教之詩我十五歲時
家塾嚴書程眼界局因小病取讀神僧傳慨然神
小院焉能出門庭

仙非難致事

石道人別傳

此爲先生肆力於方外諸書之

始 是年猶子襄生先生兄子由先生長子也

二年壬戌 十六歲

正月丁巳

大清兵取西平堡

明史熹宗紀

三年癸亥

十七歲

四年甲子

十八歲

冬離垢先生病傷寒瀕危先生禱於神得靈藥飲之

獲痊

祈藥靈應記甲子冬先居士病傷寒十餘日危證皆見先兄與弟止左右服事山往禱於南關

文昌夫子廟見盃水中浮墨星十許粒如米臍又祝之得朱藥三星持歸午晁灌居士口中及夜分前諸

危證盡除自是日見平泰稽會筠傳徵君傳父病朝夕稽顙於神願以身代旬日父愈人謂孝通神明

朝端案先生父不知沒於何年觀因人私記丁丑辭袁公邀往武昌謝以違老母久而不及父則離垢

先生之卒當在是年以後三十歲以前也

五年乙丑

十九歲

六年丙寅 二十歲

試高等食廩餼

石道人別傳

徵君事實及戴夢熊

餼於庠督學袁公深器之振玉案戴廷拭袁公繼咸傳崇禎癸酉典廣東鄉試甲戌報朝命陞山西按察司提學僉事七月抵晉任是袁公到晉在崇禎七年府志誤以食餼之年為袁公蒞晉之年誤甚

以舉子業不足習遂讀十三經諸子史至宋史而止

肆力諸方外書

石道人別傳

又讀文選

訓子姪吾當二十

都諸賦先辨字再默讀三四上口則略能成誦矣

臨晉唐楷書

作字示兒孫詩自注貧道

二十歲左右於先世所傳晉唐楷書法無所不臨而不能略肖

是年作秋海棠賦

秋海棠賦注此二十年前筆丁亥夏過晉祠示周出稿命書之振玉案丁亥先生時年四十一云二十年

前當是年

二十時作

七年丁卯 二十一歲

八月乙卯熹宗崩丁巳懷宗即位明史熹宗及懷宗紀

崇禎元年戊辰 二十二歲

陝西饑民苦苛派流賊大起明史懷宗紀

先生配張氏靜君先生有見內子靜忻州人張光祿

泮之女也通志鄉賢錄十六張泮忻州人萬曆丙辰進士耿介廉直居銓曹嚴絕餽遺終養二

十年朝野想望其丰采屢起留銓晉壘卿俱不出親沒從太原歸葬徒步哀泣感及行路尋補通政册封

藩王王肩輿過節前泮正色斥之劾不敬奪祿遷太僕卿薦守令一介不取進光祿時閣豎弄權假內用

冒破不貲疏正其罪卒日遺藁僅十一金殯葬不具案忻州志本傳言先生娶陳氏誤又張歸先生不

知在何是年春正月生子眉孕有十四月戴廷栻高年俟考

狀行先生讀書上口數過卽成誦先生略會試卷出先

生兒子由爲點定五十三篇櫛沐畢誦起至朝食悉

熟記不爽一字訓子姪

二年己巳 二十三歲

十月戊寅

大清兵入大安口十一月壬午朔京師戒嚴甲申

大清兵入遵化辛丑

大清兵薄德勝門明史懷宗紀

有大臣某議遷都有旨再言遷者死人心乃定歸都賦序

三年庚午 二十四歲

鄉試闈撤有懷卷自縊於奎光樓者先生作詩弔之

案先生是年陽城張公子履旋赴試來會城與先生

相見

雄記吾自二十外以來交游頗多亦儘有意氣

公子

履旋赴鄉試來會城司徒公寄與扇子一柄一

詩戒

之首句曰交友休從意氣生吾初疑其不然人

無意

氣亦何足與交也後來漸漸知所謂意氣者皆

假為

名上之弊坐此敗露者實繁始知前輩皆實實

歷過

才以此等句教子弟也通志忠烈錄上張履

旋澤

州人慎言子舉崇禎十五年鄉試賊陷陽城歎

曰吾

父決不為亂臣吾豈

為賊

子遂投崖死贈御史

四年辛未 二十五歲

八月丁未

大清兵圍大凌城

明史懷
宗紀

觀震鳳黃孝廉家藏書畫爲之鑒別

題宋元名人繪蹟此冊中多震

鳳黃孝廉家藏幅孝廉之祖有宦晉官承奉者多得晉分藩時書畫而孝廉又博學精賞鑒以文章從龍也先生游是以收藏精富在嘉隆閒爲太原最庚午辛未之間曾留貧道冰龕頗細爲刪存之

五年壬申 二十六歲

是秋陝西賊入山西連陷大寧澤州壽陽分部走河北

犯懷慶陷修武

明史懷宗紀

先生配張氏卒子眉方五歲祖母貞髻君撫養之

壽傳

毛行狀

稽曾筠傳徵君傳失偶時年二十七子眉甫五齡旁無妾媵誓不復娶 振玉案壽毛行狀不

言失恃之年月然以壽毛生於戊辰卒於甲子年五十七考之則眉五歲時先生年二十六稽氏誤差一年也

六年癸酉 二十七歲

二月癸酉流賊犯畿南七月甲辰

大清兵取旅順十一月壬子賊渡河乙卯陷澠池十二

月連陷伊陽盧氏分犯南陽汝寧遂逼湖廣

明史懷宗紀

七年甲戌 二十八歲

正月壬辰賊自鄖陽渡漢癸巳犯襄陽連陷紫陽平利
自河南入四川夏賊食盡僞降縱出險復叛陷所過州
縣七月壬辰

大清兵入上方堡至宣府辛丑京師戒嚴庚戌

大清兵克保安沿邊城堡多不守冬陝西賊分犯湖廣

河南李自成陷陳州

明史懷宗紀

七月山西提學僉事袁公繼成蒞任

戴廷栻袁公繼成傳公諱繼成

字臨侯慕文文山之爲人自號袁山天啟乙丑進士

崇禎癸酉典廣東鄉試甲戌報朝命陞山西按察司

提學僉事七月抵晉任

通志名宦錄四袁繼成字季通宜春人崇禎七年春爲山西提學僉事子身赴

任校閱公明聲望大著

振玉案志謂繼成以是年春蒞晉與戴傳異袁繼成六柳堂遺集日錄亦言七

月抵晉任與

九月吳公姓拜右僉都御史巡撫山

西

明史吳姓傳字鹿友揚州興化人萬曆四十一年進士天啟二年徵授御史崇禎七年九月以通政

超擢右僉都御史巡撫山西

案因人私記先是七月間巡撫吳公姓來晉七月殆九月傳寫之誤

八年乙亥 二十九歲

正月乙卯賊陷上蔡連陷汜水滎陽固始辛酉張獻忠

陷潁州丙寅陷鳳陽壬申援兵至張獻忠犯廬州尋陷

廬江無為李自成走歸德與羅汝才復入陝西七月賊

復走河南十月辛卯李自成陷陝州明史懷宗紀

九年丙子 三十歲

三月高迎祥李自成分部入陝西七月

大清兵入寶坻連下近畿州縣八月

大清兵出塞明史懷宗紀

袁公繼成修復三立書院戴廷拭袁公傳晉陽三立書院舊撫魏公允貞創建

祀臬夔稷契益諸聖人而以名宦鄉賢配東西廡歲大比則擇晉士之秀者講肄其中官給廩餼後祀事

淆亂廢者二十年矣大學士吳公姓是時以右副都御史巡撫山西檄公釐正舊典公遂請修復

為

從祀諸賢各繫一傳

袁公傳

又六柳堂遺集目錄

三立書院舊撫魏見泉先生勅建後祀事淆亂者二十年矣中丞吳鹿友先生檄余釐正舊典余遂請修復因爲從祀諸賢各繫一傳

曰三立名賢傳課全晉諸生拔取郭

新通志郭新字開士洪洞人性聰穎丰采峻整好學工詩古文侈然有馳驟當世之志督學袁臨侯極

賞之嘗云吾文得九子而傳吾名得九子而重九子者新自號也其傾倒若此從學三立書院一時名宿

如傅青主王式予孟貞仲輩咸推爲祭酒游江南歸交益廣詩文益富未幾卒年四十六所著有渡江吟

曠林草其友晉露盤吳起王爲刻之戴廷栻曠林

一枝序九子郭先生平陽楊人少多俊才讀書武安

曠林庚辰夏病卒晉露盤持九子詩屬曹良直通志

錄十六曹良直字古遺汾陽人崇禎丁丑進士知尉氏縣歷知靈壽雄縣擢兵科給事中條奏兵刑八事

日軍令不可輕更日闔外不許請旨日入援不許報

號日監軍不許敘功日監軍不許鈔將帥之塘報日

戰守之功不宜並敘曰舉將連坐之法宜有分別良
直少甚貧族人中有欲助之資爲治生計者謝曰吾
輩豈逐末營利耶及歷三縣所至有政聲去之日民
泣送者盈道性嫉惡在朝彈劾不避權貴以直聲著
卒於官先生悼古遺詩附記曹子歷三縣皆殘破
治有聲壬午冬選兵科差堅清上谷復命稱旨上疏
請閱九邊要塞以長城自許未幾卒始終以豪氣不
除爲鄉里所忌貧道有書遺曹子諫官當言天下第
一事不日曹子露章劾首輔周延儒罷相先生事
略曹公任在兵科貽之書曰諫官當言天下第一等
事曹公瞿然卽疏劾首輔宜興及駱錦衣養性明
史周延儒傳給事中曹良直亦劾延儒十大罪振
王案全氏撰先生事略提學袁公繼咸爲巡按張孫
振所誣先生約同學曹良直等詣匭使三上書訟之
不得達乃伏闕陳情考之因人私記云會試舉人漸
到汾州府曹良直古遺又懲惠諸同年上疏而解元
衛周祚畏懦不敢適芑山張自烈爾公從江西來看
袁先生良直宗周屬自烈懲惠而良直從中周旋之
疏且上通政又難之是疏實未上與事略不合然龔
鼎孳定山堂詩集送曹古遺給諫歸殯汾陽十四首

其十三云伏闕同天日欽崎一孝廉注古遺之事其
師某公左右之以不罹譖陷又似古遺竟伏闕上書
者又仙儒外紀五載沈樹德傳徵君傳言揭帖達御
座舉人本亦進呈則與龔詩合又救袁公事出公揭
者爲傳薛伏闕上疏者爲古遺故公揭之首並無薛
曹名此自是兩事全氏誤併爲一並附正於此
宗周王如金字汾二子傳薛子宗周字文伯王子如金
稜如削不苟言笑高視迂步而傭奴汾之人王疏漫
不立崖岸工書學詩歌短小負氣行多不掩言而亦
傭奴汾之人甲申國變皆廢舉子業出城屏居小村
落己丑四月大同兵以明旗號從西州入汾薛以策
干帥江某勸急搗太原虛江不能用舊御史張懋爵
適家居兵擁之爲監軍張傭奴浮慕二子名敦致戎
幕汾山鄉義勇少年干許人願投張部張欲不收少
年又請自備馬匹器械杖從之張唯唯張富於財二子
勸出橐中大賞士鼓勇張不肯少年稍散去遷延至
五月兵將北上太原二子過雷家堡曹舉人偉餞之
語閒勸且辭張爲上薛厲聲言極知事不無利鈍但
見我明旗號尙觀望非夫也曹語塞薛徐顧王曰爾

有老母可不往王曰願請之老母老母許之不敢絕
裾也皆從張至晉祠太原程生者見二子問兵事二
子曰我兵有必勝之道恨此輩無制勝術耳乃提兵
者不即抵太原而清援從北來屯赤橋華塔閒兵
保晉祠堡清據西山步卒亂欲潰堡門出人見二
子者拔刀砍卒斤登埤守堡清攻堡五日不下會
輓運不即到馬乏草遂結陣南遷汾州步卒沿道狼
籍死二子不知所終案順治五年十二月姜瓖以
大同叛六年陷汾州崔嗣達通志儒行錄崔嗣達字
二子殆從姜瓖者崔嗣達季通陽曲人順治乙酉
拔貢安貧不仕學問淹博而恪宗程朱闡變時兄嗣
遠夫婦殉難撫其孫秉鉞登賢書戴廷枋晉逸詩
序二季通精三傳受知袁山先生拔乙卯明經第一
國變棄業惟精進誦經行年七十二歲而卒振玉
案崇禎無乙卯季通受知袁山袁山提晉學時當乙
亥丙子乙卯乃乙亥之譌太原府志選舉表載崔嗣
達崇禎朝拔貢與戴序合通志殆因崇禎無乙卯乃
武斷改爲順治乙酉陽曲志人物列傳誤與通志同
殆爲通白允彩戴廷枋測魚詩略序山右老諸生有
志所本白允彩不得志於時日居實白先生者世榆

關人少有俊才工舉業文章高簡袁臨侯先生急拔之曰黃貞甫一派也又文學白居易實先生小傳白先生居實孕彩明榆闕高才諸生自甲申二月不爲諸生而篤喜制藝尤得先輩簡貴法至老不衰通志隱逸傳白允彩字居實平定諸生事母至孝讀書過目成誦性謹厚斂束繩墨至意氣所觸輒奮前不少顧忌中年遁迹荒村與布衣野老日遊醉鄉吟詠自娛其詩沈浸三唐簡質疏古自抒性情有測魚村集戴楓仲選入晉四人集中案允彩傳通志兩見一在隱逸錄一在文學錄下不知當日志局諸君何竟草率曹碩公益蓮詩注碩公曹偉字又奉祝碩公如此曹偉碩公益蓮詩注碩公曹偉字又奉祝碩公者則所謂無用人者也乃於吾鄉聞三四人見則碩公一人曩與先生同筆硯視於袁山先生之門一時沾沾自喜士惟恐其類之不衛蒿曲沃志衛處士蒿字露而先生獨靜慎寡言衛蒿匪莪初名麟貞字瑞鳴因居母喪易今名與汾陽曹良直太原傅山友善晚年開絳山書院教授其中人稱絳山先生戴廷拭袁公傳憶崇禎丙子於太原三立書院課士誥誥勉戒士子先德行而後文藝拭髫年同陽曲傅山曲

沃衛蒿戴廷杞通志文學錄下戴廷杞字楓仲祁縣人明戶部員外郎運昌子也幼負異
等侍側戴廷杞人明戶部員外郎運昌子也幼負異
質讀書十行並下為文操筆立就應童子試為袁臨
侯學使所賞謂當以氣節文章名世補諸生食饒甲
申後無意仕進居丹楓閣著書操選政錄版數十種
行世一時名滿天下學者仰之如山斗海內名流南
方多聚於水繪園北方則丹楓閣稱極盛焉康熙己
未應博學鴻詞科聲聞甚隆一時名卿鉅公傾心尊
禮王阮亭題其廬曰山右龍門晚以歲貢司訓聞喜
並署曲沃教諭講明正學士風改觀年七十四卒張
文和公為志其墓有半可集行世敘楓林一枝丙
子吳中丞鹿友與袁師同志拔晉才士三立書院課
藝楓仲聲噪社中少所等三百餘人振玉案因人私
許可獨虛心向余問字等三百餘人記作二百五十
人茲據六柳堂日錄及戴講肄其中因人私記課法
廷杞袁公傳石道人別傳傳講肄其中每月大會三皆
至書院日有饌午後文完飲酒各從其知為羣小會
六皆在各寓中每生日用米麵菜錢取足於學租皆
豐厚有餘用不時至崇善寺講藝有而擢先生第一
病者親至其寓所與藥餌調養之

石道人別傳會袁山袁公提晉學見道人藝以爲是
子忠孝人置第一延于三立書院時晉國士三百餘
人以道人爲祭酒八月巡按張孫振字古岳廬州府人見因人私記以大

計誣劾袁公十月得旨著逮京勘問先羈候三立書

院中先生左右之與同學薛宗周議伏闕訟冤移書

四府同學諸生而先隨袁公行郭鉉傳先生傳青主出萬餘金糾通省諸

生詣闕代白陽曲志徵君傳山徒步千里伏闕訟冤至京寓琉璃廠伏魔祠十

月末袁公入刑部獄先生草揭帖投通政司數上皆

不納乃出揭帖投大小各衙門及中官廠衛緝訪者

於是卒達御前臘月吳公牲糾孫振職私並因人私記

仙儒外紀七載梁建綱題因人私記詩有瑤琴一曲感優娼句自注曲感優倡借以救白袁山之冤云云

其事實不可
考附記於此

十年丁丑 三十一歲

二月逮張孫振至京下刑部獄是月先生游西山半

月始還

因人私記

都中謗言皇帝苦邊患宮操訓武命

中官習兵陣嬪妃以下學騎馬馳縱且南遷先生爲

作喻都賦以解其惑

喻都賦敘

四月袁公事雪獄解閤

四月先生出京五月抵家適袁公以原官起爲湖廣

武昌道以書招先生覽黃鶴之勝先生以違老母久

謝不往

因人私記

六柳堂日錄上鑒子無罪復原

疏上不允

以十月抵任

振玉案石道人別傳作袁

公補官泰州約道人游誤陽曲志徵君傳作袁誣既

白出督九江廬遣使召山亦誤是時先生名聞天下馬文忠公世奇

爲作山右二義士記謂先生與薛宗周以此裴瑜魏邵楚王

孫梓行之丁時學字天心順天宛平人原籍紹興官霍州知州於國門立

留社將當時人士贈先生詩篇編爲一冊而以馬公

士奇記冠於端秋慈谿桂公一章提學山西重先

生行誼於歲試畢首唱先生名旌以花紅鼓樂又欲

舉優行先生苦謝乃免因人私記先生記袁獄始末爲

因人私記是年先生辟穀食栢葉石道人別傳

十一年戊寅三十二歲

九月辛巳

大清兵入牆子嶺十一月戊辰克高陽

明史懷宗紀

元日雪先生有詩二首

錢先生文蔚治具邀游崇

善寺

太原三先生傳錢先生丁酉舉於鄉以廣文復令百泉二年餘歸歸之日即焚冠帶制棺木歛

衣備而藏之曰吾事了矣又曰憶戊寅正月先生治

具邀山輩集崇善寺坐過半夜矣先生神益王次日

有詩示山輩曰誰謂錢生老猶是年猶子仁生子

然一酒狂晚年自號虛舟老人

由先生仲子也戴廷杖傳仲壽元小傳壽元明茂才

振玉案子由以壬午

卒則仁當生於是年

十二年己卯 三十三歲

正月庚申

大清兵入濟南德王由樞被執二月乙未

大清兵北歸

明史懷宗紀

十三年庚辰 三十四歲

先生為學自是始務博綜

家訓至三十四始務博綜

秋夢游

箕子陵有三獸守之

不想詩注

兄子襄病歿

郭九子哀辭庚辰夏

舍姪年二十太原府學生

貞髦君陳氏墓誌庚子襄為諸生年二十歲亡戴廷

枾傳壽元小傳子由先娶於韓生襄而蚤夭又傳烈婦傳歸府學生傳襄襄世家子才高負氣伉儷之情

也 然婦李氏太原孝廉李中馥

通志文學錄下李中馥字鳳石太原人前

明甲子鄉薦性剛鯁負氣節足跡未嘗入公府遇歲饑典衣賑貸巡按某欲薦之辭不赴闕賊陷太原遣

人授以偽官閉門堅卧拒之其後姜逆之亂畫守禦方略縣令郝煥元恃以無恐雅嗜讀書晚年益勤朝

夕不釋卷掄揚後學不去口敘靈感梓經僑黃之

人之昂若弟三四嫻於孝廉家又曰孝廉明春秋喜

談節概文後劉襄附記鳳石有幹濟才明季乙亥丙
子兩經虜變借袁袁山贊畫軍事晉特以無恐鼎革
後杜門不出宋企郊拘辱山右縉紳獨鳳石不屈彼
亦不敢無禮著有四書膚搔詩經注疏從好集於陵
子集厯考石鼓考耳載晉社約本草目錄銀杏園文
集立釋兩藏撮要注解等書與青主中宿貫徹三教
真詮時謂女也同日仰藥以殉年十九 八月先生
晉中三隱

同學郭新卒作郭九子哀辭並點定其遺集爲曠林

一枝

戴廷栻敘
曠林一枝

是年有哭姪襄秀才詩

十四年辛巳 三十五歲

正月丙申李自成陷河南福王常洵遇害二月戊午張

獻忠陷襄陽襄王翊銘貴陽王常法並遇害十一月丙

子李自成陷南陽唐王聿鎮遇害

明史懷
宗紀

春先生染疫幾殆先生兄子由先生調護之獲痊老僧

衣社疏 先生素善病因受道法於還陽真人荃孫案先

生從還陽真人受道法諸書或云甲申石道人別傳敘於壬午前非甲申也 壽陽縣志還陽子郭姓名靜中河南修武人髫時恒夢驅龍爲行雨狀稍長厭薄世故遂棄家去過華陰遇異人劉某者授以金丹五雷法由是往來晉趙燕齊豫章楚粵間蹤跡靈異歲旱長吏輒走書數千百里迎之至則爲壇設法頃刻大雨如注然霑足僅及所禱之境他處不能得也或求之者衆弗暇躬往第各付一符方入境不及焚而雨隨集藁城縣苦瘠沱患作法鎮之徙數里歷城縣有謁突泉久涸以鐵符券三納之泉復出一日過壽陽太安鎮曰此去西北里許當有吾容足處鎮人如其言築庵於五峯山時晉藩慕其名於檜柏園中建道院延居未幾卽辭歸還陽於書無不通尤達於易高邑趙南星與爲方外交甲申歲太原傅山遊地龍池師事焉年近百歲顏色如童子忽呼門人具浴浴畢端坐而逝太安鎮橋北有傅山題明雨師還陽

先生返眞之壙碑

先生生日子由先生治具夜游西郭爲

先生壽

卽事成吟詩注

有病征詩

十五年壬午 三十六歲

二月戊午

大清兵克松山三月己卯下錦州五月甲戌張獻忠陷
廬州九月壬午賊決河灌開封癸未城圯十一月庚辰
大清兵克薊州閏月壬寅南下畿南郡邑多不守十二
月

大清兵趨曹濮山東州縣相繼下

明史懷宗紀

元日雪有齋中坐雪詩二首

正月蔡忠襄公懋德

巡撫山西

戴廷栻蔡忠襄公傳略公名懋德字維立蘇之崑山人萬厯己未進士壬午正月巡

撫山西

尋出鎮固關

蔡忠襄公傳

夏四月兄庚病歿先生

日夜哭泣六月十五至十九日成卽事詩二十一首

以誌慟

老僧衣社疏附記壬午夏四月離先兄變日夜與老母哭泣

八月撰兩

漢書人姓名表成自爲之敘先生夢上帝議刼給

先生單字不可識尾識高尙字

先生口號詩十二首之七云犯禁微登議

刼樓雲章琅篆駭凡眸麗眉道士貽單紙高尙真書驚尾收又覽巖徑詩卽事一百韻高尙祖師宣均指

此且賜黃冠衲頭先生知無功名分遂製冠衲如夢

中所賜者服之是歲應鄉試不中第

石道人別傳振玉案傳

先生事略甲申夢天帝賜之黃冠當卽此事而相差二年當以楓仲所記爲得其實

是年遷

離垢君墓自邑東山洪子峪改卜於西山馬頭水甲申

八月過先居士舊墳詩注在邑東山洪子峪遷西山

馬頭水三年矣陽曲志正東鄉辛村三都有洪子峪

距城十二里西鄉封都有馬頭水距城四十里振

玉案甲申八月過舊墳詩注云已三年則遷葬當在

壬午然太原自甲申二月陷于賊據陽曲志卷十六

志餘記王師十月三日始克太原則八月先生何能

返里疑此詩或作於乙酉編者誤冠以甲

申也今姑從集所記年月而增正於此

十六年癸未 三十七歲

正月丁酉李自成陷承天五月癸巳朔張獻忠陷漢陽

八月丙寅陷岳州丙戌陷長沙十月丙寅李自成陷潼

關督師尙書孫傳庭死之賊遂連陷華州渭南臨潼明史

懷宗
紀

四月蔡公自固關返太原修三立書院故事飭集晉

士講堂館餽如袁公繼咸法

先生撰巡撫蔡公傳

聘先生及武

鄉魏知縣權中絳州韓舉人霖

通志文舉錄中韓霖字雨公絳州人長身

竦肩音如洪鐘為文有奇氣書法在蘇米間天啟辛

酉舉於鄉少從兄游雲間得接婁東諸老既舉於鄉

益嗜游為聚書計厯江浙北行齊魯購書數百卷歸

築樓儲之校勘編摩日事著述嘗學兵法於徐光啟

學火器於高則聖務為當世有用之士蔡忠恪公撫

晉延入幕府佐守太原城陷為賊所得後脫歸匿述

西山為土寇所殺所著守國全書救荒全書祖絳帖

考礮臺圖說數十種兵燹之餘存者亦僅矣又蔡忠

襄公傳略太原陷韓霖從賊為中書後數月仇殺於

家又先生敘靈威梓經絳韓生從惠學西方事天之

學而疏其詞曰無論十惡不平陽桑舉人拱陽太原

善朝飯依而夕登天堂也

死申貢士某賈生某陳生某李木虎

蔡忠襄公傳李木虎山東人喜

談兵意製木板爲虎城如衝車中容百計人等講戰
機行之可攻城陷陣時號其人曰李木虎

守火攻誠明道統財用防河月三集初集講聖諭六

句次集講經濟三集講制藝蔡忠襄公傳及先生所撰巡撫蔡公傳先

生曰迂哉蔡公之言非可以起而行者也傳先生事略故

先生雖期集不肯衣紳衣講學石道人別傳闖賊入西

安後晉民倡亂者言賊不淫殺民間引領西望無固

志先生與巡撫蔡公謀使人備言賊虐狀徧黏城鄉

民大兇懼又編童謠言賊今年當滅於是乃得議守

蔡公傳略八月闖賊破潼關入西安晉民倡亂者皆
言賊不殺不淫所過不徵稅於是引領西望俄有秦
民王國泰黎大安黏帖於城郭鄉里言賊荼毒逼勒
之慘民大失望更議守實公與傅山所作復作童謠

日馬在門內難行走今年又是弼馬溫卽諺所謂猴
年閏不祥者亦倣新建遺法也振玉案據明史懷
宗紀李賊陷潼關在十月丙寅蔡公傳作八是年
月與明紀不合蔡傳當時所記或得其實

先生友曹公良直中疫卒先生爲詩悼之

振玉案悼古遺詩後

編者原注甲申然當在癸未曹卒諸書雖不著何年
但考先生止庵戴先生傳云良直雅不能以同鄉同
年直名具疏從懇同官某疏劾陳演以及先生先生
下獄而曹適中疫卒某以誣戍先生事自得溫旨出
獄國變矣敘曹卒在國變之前而曹以壬午始入諫
垣又追悼曹子二首自注曲沃閣部之師曹子若在
必請纓誓死以信奇節必不容其觀望不前曲沃督
師在甲午正月以二事考之故知曹卒當在是年
又案先生丁內艱後嘗欲爲曹作傳見本集與
白居易書今集中無曹傳殆擬作而未果歟

十七年甲申十月朔爲

國朝順治元年 三十八歲

正月庚子李建泰自請措餉討賊乙卯幸正陽門餞建泰出師是月張獻忠入四川二月辛酉李自成陷汾州別賊陷懷慶丙寅陷太原乙亥李自成攻代州丁丑賊別將陷固關犯畿南戊子陷甯武關三月癸卯賊入關乙巳犯京師丁未內城陷帝崩于萬歲山四月我

大清破賊于山海關五月入京師

明史懷宗紀

五月闖賊迫山西閣部李建泰出督師聘先生及韓霖軍前贊畫霖留太原先生就聘往爲建泰畫策請援太原謂援太原則汾以南可復山後河北不搖則京師可運掉會建泰聞曲沃陷退入保定援兵不果

出先生密書以報蔡公 二月初八日標營小將張

權開門納賊蔡公自縊於三立書院蔡公傳略布政趙公

建極河南鄭州人萬歷己未進士癸未為山西布政巡撫僉事畢公拱宸山東

萊陽人丙辰進士字星伯並見戴廷杖三先生傳阜城樓協守定遠將軍張

公宏業並死之畢公先生之友三先生傳張公先生之妻

兄也定遠將軍張公傳將軍忻人名宏業字盾初

先生赴督師之聘元夜至平定寓張氏東池別墅甲申

集東池元夜詩注平定東池為日葵先生別墅案日葵名三謨明大理寺卿見葵老惠訪病不能晤期霜

紅再理前約詩注仙儒外紀十艾城西有日葵別業闖賊敗歸縱火將焚之忽雷雨大作青主曰天留

也遂名為有東池元夜案詩云東池元夜月故為寓天留園人清據詩語知先生寓此

東池得家信詩及太原破先生時在嘉山定遠將軍張公傳甲

申二月太原失守傅子時在嘉山案通志山川考四嘉山在平定州西八里奉母卜避地

筮得屯之初避地過起八兄山房詩注自是轉徙無定居於平定

主白氏七亘別業白鷗詩注居實白子嗜酒鼻鷗紅又盡禿其髮曰白禿別業在平定

州七亘中仙儒外紀十白居實移居測魚村訪明

宗室得之愈養愈癡嘆曰天不欲興復明祚也潦倒

自廢振玉案先生壽楊爾禎老友長歌有痛念舊

年吾亦有弟被賊苦吾竄伏七亘中而為怯肩縮頸

寒龜俯句似指甲申避地平定州時事又據是詩於

知是時先生弟止殆在太原城破陷於賊中也

壽陽主石河村郝氏甲申集石河村與郝舊甫詩須眉覩人臣瑣尾窺林藪尤恨為

人子宅親無安土籃輿歷畏途捍禦力不赴騫入石

河村通家邁舊甫老氣率真意避居寓吾母又郝鑑

盤六十壽同人徵辭勸觴率爾為石河篇云邈往吞

灘避地載過均甲申奉母避地郝氏之證石河篇

劉秉附記鑑盤郝姓名德新字舊甫壽陽于忻州止

石河村人解元郝名聲子諸生晉府儀賓

頓村舊家甲申集有頓村舊家作注忻州頓村詩有

吾窮宅相句玩詩意先生在忻殆即止此張譜言

先生本忻之頓村人故集中有頓村舊家作振玉案

忻州志東永豐鄉領十都七十六村莊東北隅都有

頓村然芝郡都又有傳家莊張譜言先生家頓村不

知何于孟縣過孫氏山房甲申集有避地過起八兄

據作詩又有月望起八兄生日詩案避地過起八兄山

房詩注孫起入諱穎韓孟縣人其曾孫嵩會進士云

云意先生避地至孟即主其家振玉案先生於曲

沃閭部返都後似即返平定其至壽陽至忻至孟其

先後則不可知戴廷枋傳壽毛行狀十七歲遭國

變從父避榆關仇猶秀容仁巖之間以先生甲申集

諸詩考之悉合先生當國變流離亡國之痛一寄之於詩

於壽陽有石河村與郝子舊甫詩長榆南崖之孤松

及八月訪道師五峯龍池不遇詩於平定有七巨老
杏詩於忻州有七賢祠又祠僧患風不能禮客詩聊
以復祠僧詩頭村舊家作閒關上陀羅山諸詩於孟
有客孟避地過起八兄山房月望起八兄生日七機
巖藏山高細水攜具河之干仇猶秋興諸詩又五月
有願早詩八月有過先居士舊墳詩振玉案先生是
年八月似不能
返太原說見前今
姑依集本書之除夕有甲申守歲詩又無家賦殆

亦作於是年 先生自壬午服冠衲及經國變遂不

復釋

石道人別傳 振玉案全氏撰先生事略作甲
申夢天帝賜之黃冠乃衣朱衣居士穴以養母

誤以壬午之夢爲甲申又考先生未嘗居士穴蓋因
先生曾居士堂山而謗先生集中有土堂雜詩十首

顧亭林有寄問傳處士土堂山中詩太原府志土堂寺山在縣西北四十里劉村先生詩中之土堂顧處士所謂土堂山均卽土堂寺山陽曲志亦作土堂山非土穴也又全氏言二十年天下大定始稍稍出土穴亦誤先生自國變後甲申往來於平定壽陽忻州孟縣乙酉旅孟以後亦靡有定居貞髦君傳所謂轉徙無常家安得塾居不出其居土堂亦絕非甲申事

二年乙酉 三十九歲

冬季袁公繼咸羈燕以詩貽先生並附手札詩札並見本集

增錄 是年先生寓孟縣有見內子靜君所繡大士經

詩李賓山松歌通志山川考四李賓山在孟縣南二十里及十一月次右

立詩乙酉歲除八絕句振玉案歲除詩有何須爆竹震仇猶句故知歲暮先生尙

在孟也又案張譜記先生是年避地武鄉魏駟家云見武鄉縣志考志言順治初求賢甚急內外諸當路

稔悉太原傳山徵辟檄屢下皆不應夜潛出城至武鄉止邑人魏駟家駟爲擇堂西南隅朝夕偃仰其中自題曰衰露歲餘跡者漸稀乃返太原云云但言順治初不言在何年是年除夕尚在孟而武鄉志言寓武鄉歲餘則非此年可知或在

三年丙戌 四十歲

袁公再貽書於先生末云晉士惟門下知我甚深不

遠蓋棺斷不敢負門下之知使異日羞稱袁繼咸爲

友生也

原書亦載本集附錄一

先生得書慟哭曰公平我亦安

敢負公哉

全氏事略並丙戌之札爲一敘在乙酉今據原札改正

但戴廷栻袁公傳謂公正命於丙戌六月而弟二

札署丙戌秋初札尾所署殆記得書之日也

記先生是年潛入都候袁公起居不知何本附記於此以俟考

張譜

四年丁亥 四十一歲

夏過晉祠

秋海棠賦後自記丁亥夏過晉祠示周出稿命書之 荃孫案先生返太原不知在

何時
侯考

五年戊子 四十二歲

先生寓汾陽

明李御史傳戊子石道人寓西河又汾陽胡公傳余自甲申後寓西河疑先生

寓汾不始是年或

丙戌已在汾耶 胡款與弟庭同並從先生游

胡公遇春

傳余寓西河始因薛生宗周而友胡款兄弟三人又

日公三子長款甲申以後棄諸生業次庭富才藻詩

凡百千首次同研經窮理隱于醫 顧亭林年譜注

胡庭青主弟子 通志鄉賢錄十六李自成之亂庭

與弟同並隱居講學庭于易詩春

有書扇貽還陽

秋論語大學中庸孟子皆有論著

道師詩 作李御史傳

六年己丑 四十三歲

寓平定馬軍村有卽事二十首

無聊雜詩注己丑寓平定馬軍村卽事有

拈悼王子堅二首 作汾二子傳

王薛是年死於太原之役汾二子傳

袁先生三立講堂二子咸在至今蓋十五六年矣案

袁公以崇禎十年蒞提學任至是年正十六年則先

生此傳作於己丑 振玉案馬軍村卽事詩西河慙

二義當指王薛今集本注曹偉薛宗周殆後人誤注

兄子仁鈔高士傳先生爲作題辭

鈔高士傳題辭屠維赤奮若閒辟藥

嶺之麓 朝端案藥

嶺在平定南四十里

七年庚寅 四十四歲

先生寓祁縣訪戴楓仲題詩於丹楓閣壁

敘楓林一枝甲寅訪

楓仲登丹楓閣庚寅題壁詩有榆次孫盛昭餘溫嶠

語振玉案先生口號詩十一首之三有此二語丹楓

閣所題殆卽口號十一絕與竹南漫錄楓仲博雅
好古所居丹楓閣上圖書鼎彝羅列左右人方之倪
迂清
壽楊爾楨五十生日作長歌案爾楨名方生
察楊公于國者字元達其先燕人後爲太原人又曰
六子皆安素業能稱其清白吏家兒長方生讀書能
文有父風

八年辛卯 四十五歲

是年寓汾陽

陽曲志傳眉傳戴廷杖傳壽毛行狀並云辛卯僑西河振玉案甲申以後眉侍

左右不離知先生是年當亦寓汾

九年壬辰 四十六歲

十年癸巳 四十七歲

冬教子眉猶子仁爲小楷

雜記

十一年甲午 四十八歲

先生寓平定

陽曲志志餘

以飛語下太原郡獄

貞髦君陳氏墓誌銘

又陽曲志志餘記先生下獄事云傳青主因闖亂

失家僑寓榆關河南獲奸細叛有山西朱衣道人傳

姓各行晉撫密遣司李王秉乘率兵執青主下之獄

郭敏傳先生傳或勅其與南朝明赧帝通下獄

忻州張中宿

天斗

同繫

敘張髯諒略張天斗字中宿以字行忻州人多髯治五行

家及形家言

戴廷杖敘張髯詩略劉雲附記中宿

明季癸未與孫司馬參謀引退而司馬敗甲申同傳

散君繫獄而

先生抗詞不屈絕粒九日

全氏事略振玉案先生

朝沐篇堪包羞被恥今重之以甲午之情事憶使

九日不食兮遠此微氣全氏所記殆本之此篇

甚陽曲陳右立

謚

治之而愈

與右立詩客歲吾離難

遠奇方檢祕經君以香附子三奈佐南星庸醫不解

旨難其非參苓槓械獨漸喻精製而深登藥香滿藁

籍沈睡俄晨醒案據此知先生在獄有疾右玄藥之而愈

山西通志陳謚字右玄陽曲人聚徒汾西妙

解醫術與傳微君為友有除夜同難諸子有詩覽之有作及獄

祠樹秋夜詩有秋夜一鑑涼園圖真木公居實獄祠

中作伴三月詩案先生紀夢詩茶苦甘三月秋明淨

生初秋入獄除夕倚在獄中仙儒外史十引菱芳

小集西河王孫一字木公嘗與白孕彩伴青主獄中

或曰木先生既入獄先生子眉亦羈陽曲縣倉一

夕夢鐵藕開花一枝陽曲志傳眉傳先生紀夢詩

鐵藕上千葉蓮花開又覽巖徑詩一百韻亦有花培

鐵藕蓮句又秋夜詩寶蓮開鐵藕兒夢亦非常均韻

事此歲除眉得釋黃昏奔侍貞髦君幾死於固碾溝哭

詩傷心甲午除爾始解拘囚黃昏奔西村幾死固碾

溝又日明日是年下稀粥寒燈籌老母舉一匙為我

進庶羞 振玉案陽曲志西北鄉蘭伏六都有南固
碾北固碾此但云固碾溝不知爲南爲北又案我詩
集卷十一與古度書自兩道老爺會審之後父子不
見面者又六十餘日矣皇天皇天熱淚燒心但昭雪
有日父子見面不難近者舍弟從西村來道家祖母
飲食稀少淚眼腫痛念兒憶孫不少絕口言至於此
不可堪忍又曰四眉愚見以爲懇邊老爺作一申文
至都老爺處將四眉及叔暫保在外若不能如此或
四眉或家叔放假三日令人押上與家祖母見面後
卽迴乞以下情轉達之邊老爺云云則眉之得釋由
於古度惜不知古度姓名邊老爺殆指太原守邊大
綬任邱人順治八年知太原府有治績太原府志名
宦有傳又據此書則 范文學芸茂卒先生作詩悼
先生弟止亦在獄
之 戴廷杖文學范先生小傳諱芸茂字補袞洪洞諸
生聘君德州判竹溪公之子從竹溪公游於理學
先輩辛復元之門天性孝友力行所講執敬之學甲
申後杜其門謂子弟曰吾生逢亂世加之衰病不復
進取矣汝輩讀書無忘世業可也甲午卒於家又文
獻徵存錄范芸茂字垂雲洪洞人輯山右之文二十

卷題曰晉先生
先生在獄講論語游夏問孝二章

十二年乙未 四十九歲

金陵紀伯紫映鍾威舊集映鍾字伯紫一字伯子號

有真冷合肥龔尙書鼎孳威舊集龔鼎孳字孝升生

堂詩藁南合肥人崇禎戊辰進士力救之事白釋歸陽曲

本朝禮部尙書有定山堂集徵傳壽毛先生傳傅先生事略作門生有以奇計

救之者得免貞髦君陳氏墓誌銘亦作從山游者僉

議申救郭欽傅先生傳作勘官憐其義代解乃得出

陽曲志志餘記先生下獄事云先生既下獄顏色自

若供係太原府諸生食餽有年以失家避荒侍養老

母頗知醫藥兩訊茹嚴刑語言不亂覆核所扳日期

卽臬司經歷魏一鰲爲父疾求方於汾州日也撫軍

陳公憐其冤具請釋與郭傳略同仙儒外紀五引蔡

璜撰先生傳順治甲午緣叛案羅織備極拷

掠不屈京卿龔某爲援解得雪與志說合

出獄

後先生出獄不知在乙未何時據貞髦君有山寺病

陳氏墓誌逾年飛語白亦不言其時日

中望村僑感不死三詩

以詩語考之當在是年

十三年丙申 五十歲

春戴楓仲請刻先生詩先生不許

戴廷枏譜四人詩序

周徵

君容游晉陽與先生訂交

全祖望周君墓幢銘先生周姓諱容字茂三浙之甯

波府鄞縣人也踪跡徧天下於浙最厚方舟於山右則申鳧盟傳青主襄案聰山集有贈周太望序云

晤茂山周子於晉陽又鳧盟先生年譜順治十三年春如京師遂游太原訪楊臬使思聖四月返里聰山

集有晉陽喜晤明州周茂山七律云四月邊霜吹寶刀以年譜四月返里之說證之則茂山游晉及先生

與訂交皆在是年可知振玉案楊思聖官晉臬太原府志云在順治年不知其在何歲據申鳧盟先生

年譜知在是年可補太原志之闕文

十四年丁酉 五十一歲

是年有紀夢詩

詩云咄咄箕陵夢於今十八年振王案夢在庚辰云十八年則此詩作於

是及丁酉二月十四日二首

作姚缺庵墓誌

銘稱缺庵

卒於丁酉故知此文作於是年

薺薺小賦

賦後附記丁酉既熱睡足起略遲覺精神逸有此東

率意捉筆陽曲志記晉人所食各種麵食有薺薺飯注廣大麥初熟刈而磨之狀如繩又名麥繩兒色淺碧或葷或素以菜伴食香美異常

十五年戊戌 五十二歲

十六年己亥 五十三歲

先生南游浮淮渡江南至金陵復過江而北至海州

先生南游江南其年月不可考據集中朝沐篇姑附此年朝沐篇云寒浮淮兮渡江奈曾憂兮不忘攬河

入海兮遺憂雷電冥冥兮臨鬱州鬱州兮拳拳愴臣
心兮五百田客又云諗甲申以來兮何生人之樂致
堪包羞被恥兮重之以甲午之情事憶使九日不食
兮嗟此微氣老母之哭臣兮亦既期頤菽水兮豈不
有弟焉任之以此考之知江南之游在庚子丁內艱
以前甲午以後振玉案是時南中舟山臺灣之師連
年入海沂江已亥夏蒼水方破金陵先生南游適在
此數年觀篇中愴臣心兮五百田客語疑先生殆有
浮海之志惟篇中又有薜荔兮離離不遑衣之
兮臣母老矣語殆又以惓惓老母故不果與有江

風江月燕子磯看往來船態領之江甯不弔古東海

倒坐崖五詩

倒坐崖在海州雲臺山 振玉案東海
倒坐崖詩云一鏡續日月不寐照煩惱

佛事憑血性望望田橫島不生不死閒云
何爲懷抱知先生是時尙屬望于海東也

十七年庚子 五十四歲

先生歸太原有庚子二三月之間詩三首 冬十一

月二十八日貞髦君卒於松莊戴廷栻不旨軒記太生今僑於此潘耒雙塔寺雅集詩敘出太原郡城東可七八里有寺曰永祚雙塔巍然其下為松莊傳隱君青主之僑舍年八十四貞髦君陳氏墓誌生於萬所居也又云山轉徙無常家庚子適在松莊陽曲志徵君事實作辛丑居母憂案先生哭眉詩傷心甲午除爾始解拘囚又云相守又六年祖母將彌留由甲午下數又六年正是庚子則先生卧苦枕由不茹蔬者百事實云辛丑者誤也

白徵君事實

十八年辛丑 五十五歲

戴楓仲刻先生及子眉與白居易實胡季子詩為晉四

人詩

謝彬

字文侯

為先生畫象

此象今刻入晉乘中時先生年五十五

先生偕殷宗山岳至軹關爲楊公思聖視疾申涵

方伯傳公名思聖字猶龍鉅鹿人也歷春坊侍讀學士出爲山西按察使陞河南布政使辛丑入覲卒於塗又云至覃淮疾又作豫撫以狀聞乞休致公召殷子與居軹關候命謂之曰吾歸與二子尋廣羊舊跡讀書學道以樂殘年志畢矣已而病亟歎曰醫數投涼劑取快目前耳遂相誤至此惟青主方力言其非青主來吾尙可望然青主寒暑固不出奈何青主者傳山字太原高士也博學兼通醫其人素難致而公在晉臬時曾折節式其廬殷子曰非我自往無濟也時六月大霖雨晝夜行山谷間四日而至太原跽謂傅子曰猶龍病先生其有意乎傅曰世無兩猶龍吾安得坐視時亦抱病慨然遂偕行未至前二日公歿又殷宗山行狀宗山名岳字伯巖

康熙元年壬寅五十六歲

六月登北岳

與居實書六月倉皇一登北岳又云山生孝不和嶠死孝不王戎又云閒讀禮

書亦屬勉強非其好也不敢曰此古人讀禮之時也
振玉案據此書則先生游北岳殆在貞髦君服未釋
時意當在壬寅故姑列此
張譜列辛丑不知何據
有孟冬集夜對居實有
悲詩及調饑七章
詩有七歲悲生死於今五
十六語故知作於是年

二年癸卯 五十七歲

四月至輝縣訪孫鍾元 奇逢於百泉 文獻徵存錄孫

子鍾元保定容城人十七歲舉鄉試篤學尚志與定
興鹿善繼為友以聖賢相期山寇起容城被圍帥鄉
里禦之城卒以全後入易州徙新安而卒返輝縣蘇
門督子弟躬耕自給康熙十四年卒年九十二 雜
詠頃過共城見孫鍾元先生真誠謙和令人諸
意全消也其家門雍穆有禮有法吾敬之愛之猶子
仁侍行 哭姪仁詩癸卯百泉上乙巳青柯坪又傳壽
左右不 途小傳癸卯游百泉乙巳游華岳壽元裏糧
減壯僕 途中攜舊錄子書一冊暇即為之解釋帖石

刻自

崑山顧甯人

炎武

訪先生於松莊

文獻徵存錄顧炎武

字甯人又字亭林崑山人年十四補諸生國朝薦
博學鴻詞又薦修明史皆辭卒於華陰年六十九
張穆亭林年譜癸卯至贈五律一章先生依韻答之
太原訪傅青主處士
兩詩各見本集
十七史商榷昔顧甯人宿傳青主
家晨未起青主曰汀芒矣甯人怪而問之青主笑曰
子平日好談古音今何忽自昧之乎甯人亦不覺失
笑古音天呼若汀明呼若芒故青主以此戲之亭
林廣師篇蕭然物外自
山陽閻百詩若璩過松莊
得天機吾不如傳青主
淮安府志閻若璩字
百詩別署潛邱居士與先生論學相問答潛邱劄記
少耽左傳著左錦一書祕不示人余初訪之松莊年
將六十矣問余古人命名應有義但如文六年續鞠
居乃狐射之族鞠居二字何義余曰案成二年齊師
乃止次於鞠居杜氏止注鞠居衛地惟劉昭引陳留
志於兗州封丘縣下注云有鞠亭古鞠居則知此蓋
以地命名者因難何以晉人遠取衛地而名其子耶

余曰則有風俗通義在俗說縣令問主簿靈星在城東南何法主簿仰答曰惟靈星所以在東南者亦不知也先生不覺笑荃孫是年作東十方寔補建案潛邸是年二十八歲

白衣閣洞碑 申鳧盟游太原言於方伯王公顯祚

為先生買宅

襄案申鳧盟先生年譜康熙二年癸未如太原方伯王公顯祚中表契闊二十

餘年屢折東邀公不得已至晉署一握手即歸太原高士傅山貧居不蔽風雨公力言於方伯為買宅數畝又魏裔介申鳧盟傳同郡中表王襄璞為山右方伯邀至署未幾還歸襄璞訝其速答曰此中有高士傳青主貧居不能蔽風雨公以身下之勝於光之留多矣襄璞為之捐俸買宅一時傳為盛事振玉案太原府志職官布政司左布政使王顯祚舉人直隸曲周人又右布政使王顯祚順治十一年任鄉貫無考據志是王先任左布政後轉右布政買宅在康熙三年乃在右布政任時志於顯祚一人既明記鄉貫又云無考矛盾可笑

三年甲辰 五十八歲

富平李子德

因篤

與先生飲於崇善寺

陽曲志崇善寺在城東隅

文獻徵存錄李因篤字天生更字孔德一字子德陝西富平人博聞強記年三十棄諸生康熙中舉博學鴻詞授檢討受祺堂集旃蒙執徐年詩有同傳徵君公他劉明經與甫米侍御輔之陳公子端伯家刺史舅飲崇善寺十首振玉案受祺堂集中甲辰前一年已有得傳徵君信詩是與先生乃舊好非新訂交者又案此詩在集中繫旃蒙執徐而署題已稱徵君殆後來編詩時所加

席上呈先生詩

臘月子眉歸自燕先生有問訊詩振玉案壽毛自甲申

後日侍從先生其離先生而遠游不省在何年觀先生偶錄五言古一章有死生旦暮耳男兒無故鄉又父子俄然別君臣恐難忘又一杖生不扶墓醉中興觴數當撤振盡奈何乖義方又我死非允吾五噫爾其遑等句細味詩意似先生遺眉出游欲有所為蓋先生雖出獄後精衛之志猶未已也

陽曲志傳壽

毛先生傳嘗鬻藥塞外又嘗鬻藥南方過豫適楚流連江漢閒又壽祺堂集贈傅大壽髦詩直窮朔漠源時覽瀟湘圖先生集中又有眉兒歸自塞外詩此游迹之略可知者至其年月雖不可考要不外辛壬癸甲數年

四年乙巳 五十九歲

游關中登華岳猶子仁侍行見傳壽元小傳過富平訪李

子德手植梅於尙友齋顧亭林年譜李子德來迎因過所居月明山下徐注山在

富平東北七十五里子德居此山下月明山一名頻山見受祺堂集邑里絕句注受祺堂集柔兆敦

牂年詩有尙友齋詠梅是傳徵君所植知先生是年訪子德詠梅在丙午植梅當在乙巳

五年丙午 六十歲

六年丁未 六十一歲

作止庵戴先生傳

傳中有云余傳先生特取甲申以來居鹿臺二十三年風概有類

管幼安也振玉案由甲申下數至是年正得二十四年故知此傳作於丁未

七年戊申 六十二歲

戴務旃

本孝

至太原訪先生信宿而去

襄案王弘撰守硯庵文稿

序猶記戊申之春有人焉撰杖履北走太原訪傅公之佗信宿而西入潼關過予獨鶴亭賦詩一章登太華之顛作畫一幅而去飄然出塵埃之表則鷹阿山樵戴子務旃也國朝詩別裁集本孝字務旃和州布衣著前生餘生詩稿又畫徵錄作休甯人

八年己酉 六十三歲

九年庚戌 六十四歲

有秋徑詩十首

十年辛亥 六十五歲

沛縣閣古古爾梅至太原訪先生於松莊感舊集閣

鼎號古古沛縣人舉人有白奪山人集祝碩公曹

先生六十壽序吾乃今從南來復得彭城古古先生

亦老孝廉不應今世汗漫去鄉國舊先生為畫歲寒

善騎射今斂而不試時寄豪詩酒聞

古松見白奪山人集訪傳九月九日戴楓仲邀先

生及潘次耕沈彤潘先生行狀先生字次耕又字稼

薦博學鴻詞擢二等第二除翰林院檢討觴古古於

四十七年九月二十九日卒年六十三

崇善寺遂初堂集九日同惠元龍家雙南兄登瑞光

原新寺殆古古於席上賦七律一章贈先生楓仲作

游崇善寺記見半

十一年壬子 六十六歲

正月初吉太原守周計百令樹

遂初堂集太原太守周君墓誌君諱令樹

字計百延津人弱冠工文章有盛名順治乙未第進士除贑州推官居數年被劾落職事白復官遷大同同知舉卓異進太原知府移病歸久之抵京補官坐事下獄 率子若壻屏驛從挈

壺觴造先生之廬並會飲於雙塔寺

陽曲志郝莊永祥寺在城東南

八里高岡俗呼雙塔寺

潘次耕作雙塔寺雅集記以志其事

見文

遂初堂集

振玉案次耕作記不言何年考陽曲志

載周令樹狄梁公祠碑記云辛亥夏令樹奉命來守

是邦此會在正月則非辛亥可知太原府志職官表

載周令樹康熙十年任繼周者為吳延壽亦云康熙

十年任似周守太原不逾年然亭林年譜注引令樹

重建晉祠碑作於王子端午後三日則此集在王子

府志於吳延壽十年任下殆脫一字也又案戴廷

棾不旨軒記周公計百於雲中修來青堂以待先生

是周任大同同知時先生已與往還故在大同築堂
名來青先生集中有來青軒遲月詩來青軒殆即來
青堂先生到大同未知在何
年要在此前二三年間耳
過紅土道場陽曲志紅土溝

白雲寺在城南十里舊有淨業庵由溝中作懷雪林
鑿修磴道上建佛殿紅土道場即淨業庵

詩雪林張姓陽曲人廩生亂後爲僧見雪林讀左傳
詩注雪林詩作於元旦集本題作王子年下過

紅土道場懷雪林陽曲志卷二紅土溝道場懷雪林振玉案
引此詩作王子元旦過紅土溝道場懷雪林
先生哭子眉詩云傷心甲午除爾始解拘囚又云明
日是年下稀粥寒鐙篝知晉俗呼元旦爲年下也

秋閨百詩再訪先生於松莊古文尙書疏證卷五

莊傅山先生字青主者適讀左傳以哀二十五年褚
師聲子韞而登席公怒下問曰古人既脫履復脫韞
乎雖杜注古者見君解韞然書傳中僅此一見無別
證何也余不能對久之讀陳祥道禮書始用以報曰
禮書謂漢魏以後朝祭皆跣韞又謂梁天監間尙書
參議案禮跣韞事由燕坐今極恭之所莫不皆跣清

廟崇嚴既絕常禮凡有履行者應皆跣韞蓋方是時
有不跣韞者故議及之可見六朝時猶然而尤妙者
在案禮跣韞事由燕坐二語古祭不跣所以主敬朝
不脫履以非坐故惟登坐於燕飲始有跣爲歡後則
以跣示敬此亦古今各不同處因怪杜注見君解韞
見君字不確要須易爲古者燕飲解韞耳先生得之
喜甚曰此一段直可以正杜注補孔疏爲劉炫趙汴
所未及余不敢當茲已忽忽十年聊牽連書之以見
一時知己之情云

十二年癸丑 六十七歲

是年鵬月子眉婦朱氏卒

壽毛作朱氏文父平定諸生口口母蔡其所自出了

丑癸卯口口口已其生之年月日時二月二十六日
其歸我之年月日癸丑乙丑辛丑甲午其卒之年月
日時案丁丑爲崇禎十年丁丑
生癸丑卒是朱氏年三十七 戴楓仲爲先生作

石道人傳

十三年甲寅 六十八歲

先生游山左登岱岳謁

聖林孫蓮甦侍行先生有

登岱岳謁

聖林歸信手寫此教之詩又邯鄲與任

令詩却喜游山左

還要過海濱岱宗愁一覽花眼決

東秦待死詩一拜

先師林皇皇知弱喪又有朝

聖廟詩此先生曾游魯

登岱之證但不知在何年然

蓮甦從登岱岳詩有汝今年十五句蓮甦生年雖亦

不可考然不如詩作於戊午云一兒年五十兩孫近

弱冠覽巖徑詩昨年吾七十五汝今年以此推

之則山東之游必在丁巳前三四年姑繫於是年

仲秋至邴訪戴楓仲再登丹楓閣一敘楓林猶子仁

卒年三十七

戴廷栻傳仲壽元小傳壽元明茂才傳

襄而蚤天又娶於李生仁性僻潔五歲而孤年三十

九中寒竟不起初娶白居實女女殘疾人壽元不棄

其殘以二年而沒又八年而娶錢生無疆姪錢女才

而勤後一年亦中寒死側室生一子名醴娶有婦矣

相繼早夭振玉案傳未明書仁卒年惟傳首言傳
生長逝勿勿七年辛酉初秋余將北征云由辛酉
上數至甲寅正七年又以先生哭眉詩慟絕仁哥罷
於今剛十年語證之眉卒於甲子前十年正是甲寅
又先生乙卯五月偶記仁舍我一年去矣知仁以是
年五月卒傳稱卒年三十九今以傳中五歲而孤考
之仁之父由以壬午卒則仁以戊寅生由戊寅至
甲寅乃三十七非三十九小傳誤也仁善琴能歌
有酒癖見我詩集渡江後先生哭之以詩是年顧
自石頭再寄壽元詩注

甯人有寄先生土堂山中詩

振玉案先生在太原居處亦無定所惟在松莊

最久孫徵君貞髦君墓誌云庚子卒於松莊至壬子
潛邱訪先生時仍在松莊由庚子迄壬子已十三年
不知何時移居土堂山據顧八月游甯鄉柏窰胡
詩但知先生是年居士堂耳

庭從蓮蘇侍又游金郎村之金容寺

張譜先生真武廟壁題名云甲

寅八月傳山來胡庭從蓮蘇侍又贈金容寺僧老量
詩石刻云甲寅八月游龍泉了發青龍過金容寺寺

主老量不宗不教不募不積力田修寺知報佛恩者也煮粥一宿去僑黃老人傳山題偕來者王瑀胡庭孫蓮蘇侍王瑀字吾玉甯鄉人見吾玉說孤庵行徑詩注荃孫案名勝志柏窠山在鄉甯縣東十五里其山多柏故名山右有甯鄉又有鄉甯考集中有連日與離石王吾玉汎論無題八首甯鄉爲離石地則所游似爲甯鄉非鄉甯而名勝志載柏窠在鄉甯殊不合俟考

十四年乙卯 六十九歲

仲秋先生與王瑀王璟胡庭兒眉孫蓮蘇游甯鄉柏

窠賦紀游詩三章

見本集卷四 集中又有離石詩二首當亦此兩年中作

十五年丙辰 七十歲

十六年丁巳 七十一歲

作覽巖徑詩卽事示眉一百韻

詩有去年吾七十語故知作於是年

十七年戊午 七十二歲

開博學鴻詞科給事中李宗孔劉沛先以先生薦先

生辭不就

傅先生事略

廣陵詩事卷一李宗孔字

皆關吏治民生每同九卿奏事侃侃直言於同列不

少阿附後請假歸御書香山洛社額以寵異之又

卷二同郡李書雲挽蔡女蘿詩是李為揚州人振玉

案魏果敏公年譜庚申三月因會推江西按察司員

缺舉出之人各懷私意因參差游移大乖體統遂會

同滿漢都察院科道各官公疏題參副都御史李仙

根吏科給事中李宗孔規避不畫題宗孔反參余為

吹毛索瘢打成一片一呼百應無敢執異者不知其

何心等語奉旨著魏象樞明白回奏余將前後

情節明白回奏奉旨下部一併察議象樞免議

宗孔降五級云云廣陵詩事所謂於同列不少阿

附殆指此事劉沛先郭鉞撰先生傳作劉佩先

三月有書神宗御書後 六月病甚有病極待死入

涼暫爾醒快不如三詩

十八年己未 七十三歲

先生辭大科不就當事必欲致之檄邑長踵門促上

道

劉紹旼傳先生傳案是時陽曲令為戴夢熊陽曲志夢熊字汝兆浙江浦江人康熙十五年任在

官六載二十二年去任先生集中有與某令君詩云知屬仁人不自由病軀豈敢少淹留又云此行若得生還里汾水西巖老首耶此詩集中不記年月殆作於是時某令君殆謂夢熊也先生稱疾

有司令役夫舁其牀以行

全祖望撰二孫侍陽曲志先生傳作以木版載徵君兩孫舁之先生掖以行觸

牘作令其子執鞭乘一驢以行戴夢熊撰徵君傳作

余具籃輿欸段力為勸駕先既至京師三十里以死

拒不入城

傳壽毛先生傳作至平子門偃息僧寺又儲方慶我詩集序羈京師不閱月一無所

事風雨霜雪閉門擁鑪晴日則走平子門與壽毛論
十洲三島事以遣消時日觚賸亦云至崇文門外稱
疾荒於是益都馮相國首過之毛奇齡馮公年譜

齋青州益都人順治丙戌會試中式丁亥進士仕至
文華殿大學士兼吏部尚書康熙三十年卒年八十

三諡公卿畢至先生卧牀不起傳壽毛先生傳是時
文毅公卿畢至先生卧牀不起海內名士雲集高徵

君名進謁者駢填戶外徵君卧牀募不起先生出應
客徧以情告又稽曾筠撰先生傳山但敬倚榻上

言衰老不可為禮諸貴人蔚州魏公象樞徐乾學刑
益以此重山弗之怪也

果敏魏公神道碑公諱象樞字環溪又號庸齋丙戌
開科公中進士官至都察院左都御史刑部尚書致

仕後四年丁卯七月乃以其老病上聞詔免試
晦卒於家壽七十一

放還山時徵士中報罷而年老者恩賜以官益

都密請以先生與杜徵君紫峯文獻徵存錄杜越字
君異家貧教授生徒

東脩一無所受康熙中徵博學鴻詞以筋骨衰沸就試有紫峯集十四卷雖皆未豫試然

人望也於是亦特加中書舍人以寵之劉紹攸撰先生

傳不與試例不授官然上特重先生命賜秩部擬正字上薄之特與內閣中書以歸益都

强先生入謝先生不可益都令其賓客百輩說之遂

稱疾篤乃使人舁以入望見午門淚涔涔下益都强

掖之使謝則仆於地蔚州進曰止止是即謝矣次日

遽歸大學士以下皆出城送之先生歎曰自今以還

其脫然無累哉既而又曰使後世或妄以劉因輩賢

我且死不瞑目矣聞者咋舌全氏撰傳先生事略游淮安留

連經月康熙淮安府志疏寓傳傳山號青主太原學廩生嘗往來於淮寓龍興寺與道人張應錫

傾蓋成知己山詩名徧天下淮人求詩字門限幾斷
又數為淮民脫冤人德之甲午在京親友以博學鴻
詞薦不應知縣設計強行公卽不食至京病益甚
朝廷嘉其節免入試歸游淮安留連經月每歲一至
案淮志游淮安在免試後不知卽在出都後否觀
先生與曹秋岳書有今幸放免復卧版舁歸又似試
後卽返里者茲姑依淮志繫於免試後而存疑於此
振玉案淮志言每歲一至殆亦不可信以先生本
集考之或游南京海州時亦曾過
淮安與又志之甲午當作戊午
自京師歸大中

丞以下咸造廬請謁先生自稱曰民或曰君非舍人

乎不應也

劉紹敏傳先生山傳

陽曲令奉部文與懸鳳閣蒲

輪匾却之

仙儒外紀五引先生事實

秋再游關中富平令郭九

芝傳芳

迎先生至署

陝西通志名宦傳郭傳芳字九芝大同威遠人由選貢授咸甯

縣佐攝郃陽長安篆俱有聲遷富平知縣受祺堂集陳情歸賦雲中曲呈郭明府兼感風懷云前秋是

日杯相屬左有東吳右二曲今此二妙跡稍遠太原徵君聲光續自注東吳謂亭林先生二曲謂中孚家兄時迎青主傳先生至振玉案亭林以戊午春由太原至關中閻氏尙書古文疏證卷八戊午應薦至京師崑山顧炎武甯人時在富平李詩云前秋乃指戊午子德先生此詩作於大科陳情歸里後次年集中又有送郭明府九芝之達州任詩故知先生游關中在是年秋襄彙王弘撰守硯庵文稿敘昔公之佗論予於代州郭九芝所曰清貴二字久以奉華下子謝不敢承故嘗自書柴扉曰昔慙栗里今嫌松莊云云當是在爲九芝題四以碣後七月二十日書十富平時語

六字格言以教兩孫

致曹秋岳書

文獻徵存錄曹溶字潔躬又字

秋岳號倦圃嘉興人崇禎丁丑進士順治元年起河東道御史後官廣東右布政使遭喪歸里服除補山西按察副使康熙十七年舉鴻博以病辭振玉案先生此書之末有枯木堂力疾草此語先生集中有枯木堂讀杜詩一首注直隸崇文門外圓教寺疑先生生在都卽寓此寺則此書爲未出都時作而書中又

有今幸放免復卧板昇歸及見山生歸語則又似作於返里後已不免矛盾而書首有以七十四歲老病將死之人謬充博學之薦語考薦薦之年為戊午先生年七十二次年入都年七十三而謚以先生他詩文自記年歲均無一相合者此帖殆偽作全氏作先生事略言先生膺大科之薦年七十四則又沿此札而謬今姑繫此札於是年之末而辨正之俾來者無惑焉

十九年庚申 七十四歲

七月二十三夜夢至一小梵因書其事於光明經後

二十年辛酉 七十五歲

正月三日遇虎作詩紀之

夏先生至沁州

詩云重過沁土

一瞻依是先生再游沁有題尺木禪師影堂壁詩通也初至沁不知在何年方外錄下性休號尺木俗姓朱大同人幼補弟子員善詩文工草隸值聞賊之變棄家雲游戊子始薙髮

於粵之龍阮菴從崆峒戒子傳衣鉢游漢口遇不退
禪師捧喝悟道卓錫於沁州永慶寺歲癸巳二月二
日出定沐浴對眾說偈擲
杖而化著有銅鞮語錄
冬至平定主張氏峪里

花園 有平西冬寓石艾張植元培兄峪里花園壬戌
三月旋里詩 振玉案仙儒外紀卷十載先生

在平定嘗寓張植峪里園朱花史不窺園其寓不窺
園不知在何時附此俟考 又案平定州志有先生

峪園詩集中失采不知
冬得休甯黃朝聘上珍書
即峪里花園否待考

家訓六十年來曾見休甯黃朝聘上珍書札子扇子
極大雅與先居士善辛酉冬復接得一函前庚申至

此六十
一年矣

二十一年壬戌 七十六歲

正月立春作迎春花詩 三月由平定旋里 爲尤

西堂 伺作鶴栖堂圖 文獻徵存錄尤伺字同人又字
展成號晦庵一號艮齋長洲人

晚號西堂老人少日博聞強記補弟子員康熙己未
舉博學鴻詞授檢討卒年八十七鶴栖堂圖卷詩
序康熙己未西堂先生自武林攜歸雙鶴每值春夏
之會鶴必交與凡鳥無異壬戌四月十有七日忽生
二卵就地結巢雄雌遞相抱送五月二十又四日先
後兩雛出先生作詩紀其事同時詩人俱為題贈余
作鶴栖堂圖並題產鶴三詠贈之青竹道人此卷
藏江陰繆氏藝風堂產鶴三詠不見集中別錄出以
補集本
之缺
是年顧亭林先生歿於曲沃

二十二年癸亥 七十七歲

二十三年甲子 七十八歲

二月初九日子眉卒年五十七先生慟甚成哭子詩

十四章

戴廷杖高士傳壽毛行狀壽毛諱眉一字須男別號麋道人七歲作小詩小賦河東名士

郭九子新見之歎曰何六朝才也讀左氏傳公他日
試一題為詠史五言一首十二歲詩賦日麗十五歲

頗通經史事畢湖目公許之弘詞科壽毛亦期以科
名繼先志取公穀唐宋大家文三百篇益以王唐歸
胡制義誦讀摹擬一日成十六藝宿儒遜謝弗及十
七歲遭國變盡廢舉子業從父避榆關仇猶秀容仁
巖之間轉移無定如冥鴻然壽毛學類縱橫自擬措
注作用多出於管子歎世無知兵者復取孫吳穰苴
尉繚武侯藥師諸書彙括五六百言曰不多篇又能
騎射善長鎗有垂功名於竹帛之志辛卯僑西河夢
上帝召造訓狐之謠又夢小紅天者從太后行前導
二幡有簪珥衣冠之對於是自資益大徧歷九邊覽
其形勝以所如不合歸沈淪卑賤賣藥太原市代父
治家養祖母以天年終伯父庚遺孤子曰仁慧而情
壽毛督責勤學臨帖有令名娶妻生子矣子與仁皆
亡既葬復嫁其二女如已出葬諸從季父兄弟十餘
人皆成禮家無餘財周人之急惟恐不及友子某之
婦其所為娶也五十外見所期諸事無成發願累劫
修行先為王霸一了生平然後為佛卜之佛佛許之
自此遂以生死為一體惜未竟其用以其餘緒發而
為詩賦書畫著有我子我詩我賦變化自新不蹈襲
前人一字書法篆則李斯玉箸隸則孔宙梁鵠宗聖

侯鍾繇楷草急就則張芝索靖二王歐褚李北海魯公無所不臨畫則北宋時放筆顛險層巒瀑布可喜可驚圖章同漢人尤妙於銅者大得八分聖法之意壽毛敦行好古負經世之才悒悒不得志以終甲子二月九日也逆數戊辰正月年五十有七平定故錦衣指揮千戶朱某之女其元配也二子曰蓮甦曰赤驥能守家訓書法尤有祖父風陽曲志卷十五文徵傳壽毛先生傳甲午歲徵君以飛語繫太原郡獄先生亦羈陽曲縣倉金陵紀伯紫合肥尙書龔公救之力事白得釋先生詣合肥之門撰紫芝賦以贈之合肥公收召才雋知名士滿堂先生喜議論與人辨駁前無強敵一日諸名人品評禰正平鸚鵡賦先生曰此小兒乞憐語漁陽摻搥氣盡索不足道也雲中王填知其才曰何不作後鸚鵡賦先生於是振筆一書橫肆數百言捷如風雨奇氣欬嘔盡掃正平之詞一座傳觀大驚伯紫更誦其紫芝賦曰是不從人間來先生曰我賦才纔出盧次梗上耳徵君急呼之歸日無持布鼓於雷門徵君常集傅史先生卽效班氏爲傅氏九等表附之習技勇於汾州之古寺寺僧續宗爲劉鎮帥部將鎮帥歿隱跡爲僧先生從之游學

手搏之技握拳擊鐘響立應蹀躞山阪上下如飛
擊劍挽勁弩能左右射山右故多武勇士以騎射
擊刺名者一時皆出先生下咸以周盤龍擬之徵
免試歸先生年五十二矣閱四年而卒病革時不
執筆猶口授絕命詞呼兩兒書之陽曲志卷十三
人物志傳眉傳一日公他論及某饑寒眉曰此輩
非饑寒累了我正是我累了饑寒公他曰此語大
可讀妻朱平定諸生女先眉歿眉年五十六先公
他哭先生哭子詩後附記甲午山以飛語縹太原
府堂眉羅陽曲倉倉中修定業聞祖母病飛神自
倉門上櫃中倒下至西村看祖母畢仍飛神還附
形遂夢鐵藕開花一枝事行解天性近禪讀釋典
輒如舊熟每以老莊與佛書參同讀莊子有別解
亦自命曰我莊子六書會通有妙理五十六歲鬱
鬱不得志以積勞憂恨成病病臥在牀且革尚有
詩數十首全祖望傳先生事略其子曰眉能養志
每日樵於山中置書擔上休擔則取書讀之中州
有吏部郎者故名士訪先生既見問曰郎君安往
先生答曰少需之且至矣餓而有負薪而歸者先
生呼曰孺子來前肅客吏部頗驚抵暮先生令伴
客寢則與敘中州之文獻沿沿

不置吏部或不能盡答也詰朝謝先生曰吾甚慚於
即君先生故喜苦酒自稱老藥禪眉乃自稱曰小藥
禪仙儒外紀十壽毛膂力過人所遺長鎗數人不
能昇仙儒外紀九王如金贈傳壽毛詩蠡海測丹兒
注壽毛號守丹道人振玉案眉之年壽戴楓仲謂
生於戊辰卒於甲子年五十七所記最明晰而他傳
皆言年五十六今以先生哭子詩考之則戴氏所言
五十七者信而作五十六者誤也哭子詩十四之三
日慟絕仁哥罷於今剛十年乙卯五月偶記仁舍我
去一年矣是仁卒於甲寅由甲寅至甲子剛十年又
哭子詩十四之四曰元年戊辰降十七丁甲申苦楚
四十年矢死崇禎人由甲申後至甲子剛四十年均
爲年五十七之確證至諸家之作五十六殆因先生
哭子詩後附記五十六以積勞憂恨成病一語而致
譌眉殆病於癸亥而卒於甲子先生但舉其得疾之
年而忘著其卒之歲月劉彙氏所謂痛極語少倫次
是也諸家因致誤會至全氏作先生事略又謂大科
之年眉已先卒誤尤甚矣又眉二子諸家皆作蓮
甦赤驥惟先生家訓十六字格言後書教蓮蘇蓮寶
又家訓言蘇讀書已有聞見可語文事矣寶亦不必

遠求只向蘇問之便有進益又爾兩人皆能讀書蘇志高心細而氣脆教之使純實頗疏快而傲慢處多當教之使知禮蓮寶當是赤驥之改名先生遺書集中又時稱蓮和尚當是蓮蘇之小名

魏環溪尙書李約齋孫長公戴汝兆

集中原題但作汝翁劉霽注謂

是戴夢熊

襄案李約齋名振藻字天葩其先十世祖自孝義遷蔚州從魏果敏公象樞講學官刑部山

西司郎中卒於康熙三十四

以兩孫爲託

先生致魏書言兩孫

年見陳廷敬李公墓誌銘

屏少內外眷屬無可緩急者羅父外侮實繁有徒特遺此書求加護持遺孫書言家門不幸兩孫無依內

外旁皇不可堪受云云四札之後附一札殆蓮蘇謝魏尙書者中有惡里凌侮恨不一步卽離第因曠事

未襄暫與虎狼同居云云合觀諸札殆似家難外侮

一時俱起者不知究爲何事戴楓仲傳壽毛行狀作

於壽毛亡後二年乃全

六月十二日先生卒

振王案先

不及此事殊不可解

生年歲及卒之年月諸家所記異同不一劉紹攷所撰傳作八十餘郭鉉撰傳作卒年八十稽曾筠撰傳

大科後又六年卒則謂卒於乙丑李果霜紅龕集敘
作年七十八將化詩後劉彙附記引李又絳撰傳蔡
璜撰傳作七十九而均不記卒之月日惟陽曲志卷
十四文徵及張譜引先生五世孫履巽所編事實作
康熙二十三年六月十二日卒享年七十九將化詩
後劉彙引傅氏宗圖載先生忌辰爲六月十二日而
不著卒於何年考陽曲志傳壽毛先生傳言眉卒未
幾徵君亦卒又李天生受祺堂集存歿口號詩一百
一首之第六十二云哭兒兼折鄭司農注傳處士眉
青主先生子眉卒先生哭之慟亦亡與陽曲志壽毛
傳正合李詩作於旃蒙赤奮若乃先生卒之後一年
當時所記定可徵信則徵君事實云康熙二十三年
六月十二日卒爲得其實年齡則以李果序言七十
入者爲得徵君事實作七十九者蓋沿生於萬曆丙
午之謠故先一年也又霜紅龕集拾遺有先生上谷
詩冊前後有甲子十二月乙丑正月兩題記劉彙疑
爲後人臨摹妄增年月予謂此冊中諸詩亦淺俚不
類先生作其前題作上元甲子十二月二十日記於
保定撫署考畿輔通志康熙二十三年保定巡撫爲
阿哈達二十四年爲崔澄徧觀全集似與二公了無

夙好乃喪明之痛方新填海之悲未已於午門則不肯折腰垂死乃遽游軍府揆之事實誣妄可知此冊殆全出偽造非僅妄填年月已也又劉刻本集拾遺有拙庵冊序有乙丑春暮晤雪公於會城鎮遠門北郭護國蘭若語考魏陳諸公祭文大書康熙二十四年乙丑三月辛酉朔乃諸公致奠之日正先生遇雪公之時天下甯有是理又文中稱傳道翁先生使果出先生手不應自稱如此種種謬誤偽造無疑劉彙疑上谷詩冊為妄增年月而不知集中尙存此偽敘亦署以乙丑也為辨正於此以解後人之惑仙儒外紀五引李又絳傳一夕端坐遺命以朱衣黃冠歛弟子問長生術以手指心而沒遺命以朱衣黃冠歛全氏撰先四方會葬者數千百人教君葬西山陽曲志卷生事略

二陵私謚文貞

先儒外紀五先生事實

入祀陽曲縣學鄉賢

祠陽曲志

案先生祀

並祀三立祠

仙儒外紀八載

祠三立祠批云前賢碩果聖世逸民至性深情既無虧於孝弟驚才絕學復擅譽於文章非坐部之遺

絃祝餘音而不鼓詎立仗之選駿伏舊標以長休子
龍未是傭人早棲梁碣表聖獨饒野態終古王官杏
爾虛舟翔東流之河海子然條肄留西土之榛苓癘
泉石而傲煙霞人識路旁之屨下巢由而上堯舜天
迴輪底之蒲漈梗概則雪冷雲孤挹流風則川長岳
峻可謂晉中一箇無慙閣上諸賢如詳行學置主送
祠振玉案先生入祀三立祠亦不知在何年提學
高亦不著其名考康熙二十四年山西提學為高龍
光四十八年提學為高
其倬不知果為誰也

先生子眉孫二蓮甦

蓮甦集中又作蓮蘇仙儒外紀
十醫經痘出腎經者凶長房出

花遇此症青主憂之會弟子餽蓮花數枝半萎虔供
佛前次早花盛開症變心經故名蓮蘇詳先生手書
妙法蓮花經跋張聖訓觀傳青主鄭谷口
摹蔡中郎二碑詩注先生孫蓮蘇字長房蓮寶女孫

班班

有悼孫女
班班詩

大薦小薦

青毛銘
朱氏文

從子五襄仁子

兄庚

普景永

弟止子永出嗣州守
房見貞髦君墓誌

從孫醴

仁子早夭
普景永三人未

案

知有子幾人無考
水鐙詩引褒兒叫
奇日眞玉碑褒兒當亦諸孫行不可考

先生先世自教授翁以來七八代皆讀書爲文訓家先

生祖霖爲古文好班氏漢書兩漢書人姓名韻敘集曰慕隨堂

覽息眉詩有作詩注及陽曲志李維楨傳參藩傳

傳公嘗慕晉隨會賢以名堂雜記幽人自是多清

興昨日看花今又來二句甚閒先生伯父口口御史

逸可玩先大夫看牡丹詩也

子有無聲草覽息眉詩有作詩注家訓先伯星履

肖不能收藏此先生父離垢君好檀孟兩漢書人先

伯父不知何名

生兄庚有冷雪齋冰燈詩序見本先生所著有性史

十三經字區周易音釋周禮音辨條春秋人名韻地

名韻兩漢書人名韻陽曲志本傳及地名韻傳家帖

霜紅龕文集奇書及諸傳奇

郭鉉撰傳

案劉霖編

亦多世傳驕其妻妾入仙慶壽諸曲穿吃醋止傳序
文又有紅羅夢語少含蓄古餘一見即投諸火云云
意先生所撰傳奇或憤激太又有易解爾公書敝鄉
過或有屢作故張氏火之與
學問之士彫謝殆盡惟傳青圭一人而已今有易解
多前人所未道覽之快人心目但以三聖人立說謂
爻辭出文王而周公不與焉私心有所未安左錦閭
恐管見不足以測微就正於先生以正是非左錦潛
邱劄記傳先生少耽明紀編年映藜齋小記傳徵君
左傳著左錦一書明紀編年明紀編年始洪武終
魯監國數百年事約成數卷非簡也殆欲終明之統
耳敘賊闖入晉有余年卅九語傳鈔者謗為十九遂
有十六歲救袁鄉關聞見錄仙儒外紀卷七引沈樹
師說此大舛也鄉關聞見錄德傳徵君傳附記徵君
著作甚富多殘缺不全近見鄉國聞見錄一書敘事
簡勁可補正史之缺幸卷帙完善宜急梓之以公世
眉著不多篇梁書新事鈔我詩今本作我傅氏九等

眉著不多篇梁書新事鈔我詩

今本作我

傅氏九等

表

高士傳壽

我子

七篇見

仁詩不傳僅存明妃篇

三章

載戴廷栻傳仲壽元小傳中

蓮蘇赤驥皆以才名

陽曲志人物傳眉傳

全氏撰先生事略謂家世以學行師表晉中不虛也

先生先世家法素嚴觀承務君與參藩公家書實有

義方之訓

見前

參藩督離垢先生讀書鞭背致結痂至

老不去

雜記

先生每出游令眉與子共挽車暮宿逆旅

仍篝燈課讀經史騷選諸書詰旦必成誦始行否則

予杖

全氏撰先生事略

其家訓之嚴如此

先生友愛諸季先世遺產弟蕩費強半終身無怨色

弟沒撫遺孤如己子於里黨姻戚竭力賙其緩急屋

舍田園多為細人竊據概置不問

稽會筠撰徵君傳振玉案先生手

足之閒似有隱痛示弟姪詩有云鱗甲生庭荆姑息融面霜且圖將順美不發在心兵奄忽至今日鴿原火猶張不知詩中所指何人題云示弟姪先生但有一弟止意者其為從兄弟歟

先生先世移家太原後代有園亭之勝參藩有園名

從好

覽息眉詩有作詩注元通觀右一在東城下

陽曲志傳少參園一在草廐街久廢今呼傳家

園是參藩有二園其一不知何名

侍御有園在五府壑子街

陽曲志中

有三象閣先生伯父有園名下漚

覽息眉詩有作詩注

及先生

少讀書烈石之虹巢

陽曲志烈石山在縣西北四十里戴廷栻不旨軒記先生少

年讀書烈石經始半椽一欄如虹謂之虹巢又先生集中虹巢二首注老杏一株如虹作書齋在省西北四十里蘭村裂石廟前右側汾河出峽之口振玉案先生哭子詩十二虹巢中蓮葉兜鍪奇又哭姪襄

秀才詩虹巢嬾再過考壽毛有荷葉兜鍪賦作於十
二歲壽毛以戊辰生壽毛十二時先生年三十三襄
之卒在庚辰先生年三十四玩詩知襄之卒已而居
尚居虹巢中云嬾再過殆是歲即已移居者

屈園松林之青羊庵

陽曲志岷嶠山在縣西北四十里呼延村不旨軒記後復於

屈園松林構青羊庵

振玉案青羊庵亦名七松廡

見青羊庵三首注後改

不夜庵見不夜庵詩又改霜

紅龕見青羊庵詩注以秋季樹草葉色青紅也又

案先生居青羊庵

不知在何年殆由虹巢移此歟

又移居松莊

城東南十里見前庚子年注先

山陽曲志土堂山

在縣西北四十里劉村有怪柏數十株前臨汾水

振玉案先生庚寅在土堂山說見前意由松莊遷土堂殆在

癸丑年因壬子仍在松莊也

雖轉徙不遑然率在山

水佳處晉中八景在太原者三曰烈石寒泉曰屈園

紅葉曰土堂神柏先生蓋悉佔其勝矣

陽曲志載徵君故里在城

西三十里西村振玉案先生哭子詩後附記言眉羈陽曲倉中修定業聞祖母病飛神至西村看祖母是甲午午先生在獄時正家西村志又言其居有青羊庵霜紅龕虹巢諸名謂青羊庵虹巢即西村似有誤虹巢在僧寺集中有閒過虹巢主僧勸酒命題詩青羊庵據先生詩注即霜紅龕在屈園山南面松林中志稱屈園山在縣西北四十里與西村在城西三十里方位里數均不合不知志何以云然箸之俟考先生當國變後出游之日為多其在晉游迹所至有

不能知年月者以集中詩考之蓋曾至崢至洪洞石

城讀居實詩淚下如雨詩有至絳別正之詩十朝留題九子故里詩九子洪洞人絳邑今日別文生

至曲沃曲沃志衛蒿傳京師陷奉母隱絳山崑山顧

留宿炎武之寓園借寓白石樓前明隱士李鑣構至先生有也居許小樓避暑詩劉龜注謂即白石樓

平陸僧房芭蕉詩至介休有介山石至靜樂有蘆芽

注平陸作

乳泉詩

詩注山

在靜樂縣北因無年月可繫附記於此

通志本傳及劉紹攷撰傳並謂先生少與孫忠靖公傳庭

同學集中絕無與忠靖往來筆札詩文中亦不

及忠靖一語考忠靖中萬厯戊午舉人已未成進士

謁選知河南永城縣據戴廷栻督師孫公傳略戊午己未先生時

才年十二三忠靖釋褐卽出爲地方長吏殆無與忠

靖同學之理志傳所述殆不然矣振玉又案全氏撰先生事略云嘗批

歐公集古錄曰吾今乃知此老真不讀書也云云考稽鄧札記予嘗謂蓋代文人無過歐公而學殖之陋

亦無過公傳山先生聞之曰子得毋以劉原父有好奇箇歐九之云從而和之乎余曰非敢然實親驗之集

古錄跋尾據此則全氏又誤以百詩之言爲先生語也並附正於此

先生自二十歲外交游頗多雜記及國變後所與游者

大率勝國遺老學問藝術之士及方外而已今就先

生集中所載及見方志者曰張三謨平定州志人物傳張三謨字緯

典天啟壬戌進士累官大理寺卿性篤孝廬墓六年

歷官有能聲在大理輕重出入雖臨以威不少動彈

劾權貴挾摘隱微廷推入閣為忌者排陷不果初官

御史出按福建時當崇禎改元之初其辭闕書有曰

治亂大闕在輔臣臺諫各得其職若輔臣化其成心

臺諫不為異論於治何有尤推一時篤論陳鼎張

三謨傳作母歿廬墓三年與志作六年者不合又云

弱冠舉於鄉即負笈往師高邑趙南星通志本傳

後教政里居聞賊至文養蒙絳州人字正之游辛復

聘以為相以死拒之元先生及馬文忠公門

見惜正之張修己平定州志字君吉善詩歌兼擅書

老友詩注張修己法卜居義井村自號買山子足跡

不入城市太原傅山顏郭連城通志隱逸錄文水人

其居曰詩陶又曰隘龕高才博學工書善詩

不樂仕進自號白雲隱士究心性命之學與太原傅
青主平定白居實為方外游年未三十卒忻州牧魏
一鼇旌為梁檀仙儒外紀檀字大廬太原諸生工繪
處士之墓梁檀事有清標亂後避居西山詩畫不令
人見戴楓仲刻其集及王高應元仙儒外紀十太原
獻明錢虛舟名晉逸詩高應元高應元世家子性
情恬淡專習擊窠大字青主遊崛壠寺王介石榆次
見所書便是西天匾大驚異遂與訂交王介石縣志
王介石字豫二性高邁究心經史及釋老之學楊耀
皆有論著陽曲傅徵君高世士也贈詩屢稱之楊耀
祖平定州志楊耀祖字丕顯幼遇異人汪建陽遂溫
精岐黃術流寓太原傅山疾非耀祖藥勿嗽也溫
毓桂平遙縣志溫毓桂字秋香邑高士也一介不取
執親喪居廬三載傅徵君雅重之秋香嘗謂人
曰昔與傅徵君青主梁河州小素游文章道義相為
切嗟自二公作古後不數十年而士風日下典型無
存緬想風規如東京劉澤民平遙縣志劉澤民字潤
夢華邈焉難再矣劉澤民卿性任俠使氣人不敢
逼視年四十長齋布衣折陳于帝忻州志卷四隱逸
節自處與太原傅徵君友陳于帝明季廩貢

少有才名安定王雅重之後絕意仕進謝遣生徒不
與外事罕有識其面者惟與傅青主爲友每過訪輒
流連不忍去一時段樵鄭大元太原縣志孫緯段樵
稱爲兩克先生
段樵鄭大元
闖變借隱沁源山中後鄭歸柳峪授徒自給友一駝
一啞一骹號四廢二人不知所終劉震曰山西通志
亦言孫段不知所終然青主贈大元詩云伯陽吾愧
汝一飯不會嘗節苦甘溝壑蒙亭小學堂三人傷獨
在四廢寄情狂手植芳椒老辛紅滿夕陽又題墓碣
云柳峪似谷口姓還同子真上京名不振倫擬德彌
尊白日無朋友黃泉有段孫心期長
夜合抵掌論乾坤玩此似前卒矣
高肖柴
一詩注高名肖柴
任復亭
仙儒外紀九任復亭字元
邑南鄉人明諸生
仲亦字无咎平定人品行
高潔精書法
王适會岳
通志藝術錄下适字古弦陽
青主爲作傳
曲人善飲酒工墨畫又有會
岳者工畫山水青主與之交稱云
晉陽兩畫筆竟在會阿六家也
郝異彥
通志藝術
素陽曲人明末官淮安外河主簿善
錄下字太
畫美人花草翎毛又能平遠山水
趙文徵
通志藝
術錄下

字鳳白陽曲人工山水畫不用丹青家蹟徑傳青主稱其產於筆底拔出嶽崎落勢真奇構也寶學

周平定州志字紹旦明廩生好古工文不求名譽與太原傅青主本郡白居易實友善青主顏其讀書之

堂曰醉白堂並白孕彩戴廷杖衛蒿李中孚孫奇逢為之作記焉

李因篤顧炎武杜樾閻若璩閻爾梅潘耒胡庭范芸

茂陳謚王如金薛宗周張天斗僧雪林仙儒外紀卷十雪林張姓

陽曲人明諸生與朱雪峯仙儒外紀卷十雪峯字明霞友善亂後為僧逸工詩青主謂在皎然齊

已輩上嘗修永祚寺寶塔後卓錫壽陽聖佛山又云山右詩話合雪林雪峯為一人未審是否振玉案

雪峯雪林確非一人先生集中有悼雪林詩而雪峯則卒於先生身後仙儒外紀曾載圓壁挽先生詩不

知圓壁即雪峯也先生雪峯鬚塵二句得未曾有驚喜叫絕為綴十句詩第二首云拈以語圓壁小技須

復研又題慈恩寺傳三藏法師後云此河東王府藏散失不全雙塔院圓壁募晚臨緣贖置塔院均圓壁

即雪峯之確證其人殆名圖璧字雪峯外紀言雪峯字明逸不知何據其弟子之可考

者胡庭外有段緯太原縣志段緯字叔玉諸生陽曲傅徵君高弟子康熙中秀水朱彝

尊清苑王胤遊晉祠一見皆器重之工楷法尤善鐫刻杜亦衍太谷縣志杜亦衍字蔭祁號泥

窮野人陽曲傅徵君弟子家貧淡名利有摩挲豎內米斷續火中煙小童賒酒去先我一顏酖之句或欲

聞諸當道者逃遁而免著情來草增記於此以章幽隱

先生性任俠見天下且喪亂諸號爲薦紳先生者多

腐惡不足道憤之乃堅苦持氣節不肯少與時媿嬰

思以濟世自見而不屑爲空言嘗自歎曰鸞強躍駿

之骨而以佔畢朽之是則埋吾血千年而碧不可滅

者矣或強以宋諸儒之學問則曰必不得已吾取同

甫先生以黃冠自放間有問學者則曰老夫學莊列者也於此閒諸仁義事實羞道之卽強言之亦不工又雅不喜歐公以後之文曰是所謂江南之文也工書自大小篆隸以下無不精兼工畫嘗自論其書曰弱冠學晉唐人楷法皆不能肖一得趙松雪香光墨蹟愛其圓轉流麗稍臨之遂亂真矣旣乃愧之曰是如學正人君子每覺觚稜難近降與匪人遊不覺其日親松雪曷嘗不學右軍而結果淺俗至類駒王之無骨心術壞而手隨之也於是復學顏太師因語人學書之法甯拙毋巧甯醜毋媚甯支離毋輕滑甯直

率毋安排君子以為先生非止於書也

全氏撰先生事略

黃

先生石齋與馬先生君常論書晉唐後首推先生

戴廷

枻跋家藏傳道翁三世墨蹟

王文簡公論先生畫入逸品

池北偶談

張

瓜田徵君謂先生畫山水皴擦不多邱壑磊砢以骨

勝墨竹亦有氣

畫徵錄主惠寫荷竹兼懷戴楓仲詩又白查

振玉案王漁洋有答傳青

山人集訪先生詩注言先生為畫古松是先生不僅工山水也

顧甯人極稱先生識

字閻百詩稱先生長於金石遺文之學每與余語窮

日繼夜不少衰止歎謂此種學正經史之譌而補其

缺厥功甚大

潛邱雜記

邵陽曹全碑出先生以謝承後漢

書考證多所裨大勝范書也

困學紀聞箋卷十三謝承後漢書錢牧齋云方

少師於史館攜去問之其後人不可得陽曲傳山先
先聞之笑曰某家卽有之永樂閒揚州刻本初邵陽
曹全碑出以謝書考證多所裨大勝范書以寇亂亡失矣先生又嘗走平定山中

爲人視疾失足墮崖僕夫驚哭曰死矣先生旁皇四
顧見有風峪甚深中通天光一百二十六石柱林立

則高齊所書佛經也摩娑終日而出全氏撰先生傳略荃孫案太

原府志風峪在太原縣西五里風洞在縣西三里風
峪口甃甃洞一穴方五丈穴中三柱四壁鑄華嚴經
又朱彝尊風峪石刻佛經記太原縣之西五里有山
曰風峪風穴存焉愚者捧土塞穴建石佛於內環列
所刻佛經凡石柱一百二十有六又曰子友太原傳
山行平定山中誤墜崖谷見洞口石經林列與風峪
等皆北齊天保閒字則先生平定山中所見與
風峪石經自是二事全氏誤併爲一附正之

先生旣絕世事而家傳故有禁方乃資以自活全氏撰先

生事 凡沈疴遇先生無不瘳用藥不依方書多意爲

之每以一二味取驗有勞瘵者教之胎息不三月而
愈一婦妬疑夫外遇忽患腹痛展轉地上其夫求先
生令持敝瓦缶置婦榻前搗千杵服之立止一老翁
痰湧喉閒氣不得出入其家具棺待殮先生診之曰
不死令搗蒜汁灌之吐痰數升而甦

劉紹攽撰
先生傳

先生

善醫而不耐俗病家多不能致然素喜看花置病者
於有花木寺觀中令善先生者誘致之聞病人呻吟
僧卽言羈旅無力延醫耳先生卽爲治劑太原古晉
陽城中有先生賣藥處立脾衛生堂藥餌五字乃先

生筆也

茶館客話 仙儒外紀六言
藥鋪乃衛生館不作衛生堂

明崇禎間汾澁有艸自生土人不能識青主見之流

涕曰煙也中國之亡徵見矣

仙儒外紀卷十

先生在太原獄撫軍陳公憐其寃具疏請釋羈獄以
候先生手錄金剛法華二經註之一年後如接形聲
種種惡業現諸變相一日司李省囚語先生曰君高
行動天不日昭雪也先生遂將獄中幽魂慘戚情形
訴之乞拾棄骸埋郊外義塚司李領之適太守邊公
夜夢獄中諸厲哀鳴於前次日司李以先生所言請
邊驚歎曰怪哉夢寐之靈也卽捐俸買地多備席藁

殮瘞如法仍勒石禁侵擾有吏父夢二婦人披髮藍
縷哭言恩出宰官權在公子今獨遺某三人黑獄何
時出耶一夕三夢之明以語其子果於牆之僻處掘
得三婦屍兩屍無姓氏一屍於瓦上書姓氏交城人
也裹而埋之由是囹圄不爲蒿里矣此先生註金剛
法華之所感也

陽曲志志餘

振玉案先生在獄似未逾年此云一年後云云疑未確

先生喜游每遊諸山水勝刹至其門不肯入顰眉謂
同游者是有閣有廊有池及花樹是左右向果閣廊
池花樹左右向如所度蓋近如宿命通矣

石道人傳先生

卒後數月或遇之於太行山頂扶杖游行與人相問

答如生平

瞿源洙
紅龕集敘

秀雲者晉府樂長也聲容冠一時善畫蘭兼工小楷
操琴漢宮秋稱絕調又能以琵琶彈普庵咒與琴入
化文人學士多與游字之曰明霞卒爲輕薄子所紿
傾囊相委久知其負已也抑鬱而逝噫殯積歲傳青
主先生聞而憐之召僧尼導引郊外與所知詞客數
輩酌之酒而葬之有聯珠詩十四首其一云芳魂栩栩
自仙游走馬章臺滿目愁疏雨細風清夜永可憐
一曲漢宮秋其二云漢宮秋是古琴文幾箇知音坐
上聞流水不逢鍾子輩當壚誰識卓文君其八云小

樓塵土暗窗紗不見樓頭解語花
碁冷文楸香冷篆牀頭橫著舊琵琶
其九云琵琶掩抑不堪聽司馬江頭涕淚零
老大只教癭骨在何須粉白與螺青

陽曲志

餘振玉案此詩不見集中附錄於此以存佚事

傅青主先生年譜